

13
12

烈祖成績

十一
十二

137
20
125


東 京 圖 書 館

二	三	六	三	雜	和 書 門
冊	號	架	函	類	

烈祖成績

安積覺編次

卷十一



東
烈祖成績卷之十一 起慶長五年八月終其月晦

安積覺 編次

慶長五年八月朔。征西前鋒福島正則發江戶。軍監井伊直政。本多忠勝。及池田輝政。其弟長吉。淺野幸長。細川忠興。田中吉政。藤堂高虎。本多忠政。其弟忠朝。京極高知。中村一榮。德永法印。壽昌寺澤廣高。黑田長政。加藤嘉明。山内一豐。堀尾忠氏。稻葉道通。古田重恒。本田利朝。龜井茲矩。筒井定次。有馬法印。其子豐氏。織田有樂。金森可重。一柳直盛等。相繼

而發。總五萬餘人。

關原軍記曰。七萬六千騎。今從德川記。松榮紀事。○家忠日記曰。十三日諸將發江

戶。德川記曰。七月二十八日。諸將自小山經武藏野直向是關西。石卯餘史。松榮紀事。不日。今從創業記。關原合戰誌。是

日伏見城陷。豐臣秀秋、島津維新攻名越丸拔之。松平近正戰死。秀秋之兵比奈津角助、田島勘左衛門相共獲近正首。爭之。秀秋定為二人之功。角助不服。然以秀秋之命不能復

爭。家忠日記、關原記大全、關原合戰誌、石卯餘史。

臣按關原記大全論此事曰。長湫之戰。森長一之兵、山田八右衛門為第一槍。讓功于第二槍千田主水。主水固爭己功之不及八右衛門。小田原之役。前田利家之兵、雨森彌太郎獲級第一。獻之利家曰。臣未獲首。大音藤藏高呼稱獲首。則今日戰功當以藤藏為第一。其餘近世之戰。讓功知名者。不過五、六人。而如勘左衛門者。不可勝計。此皆

武人矜功。銜名之流弊也。臣按元和元年難波之役。松平政宗淺野長重之兵。亦有能讓者。觀者可併考也。

甲賀佐左衛門戰死。

關原合戰誌。

敵陷松丸名越丸。島津惟新自

郭門入城。松平家忠指麾士卒。揮槍突戰。三與惟新部將別所下野鬪。傷左脅。敵兵鬻至家。家忠擊其進者。却之。遂自殺。下

野獲其首。時年四十六。從兵八十五人皆戰死。

創業記、家忠日記、石卯餘

史、關原合戰誌、慶元記、松榮紀事。○關原合戰誌曰。烏居元忠開門出鬪。敵兵敗走。慳原彦右衛門川瀨左馬助橫擊破之。元忠兵敗而退。據大全。非元忠而松平家忠也。敵將亦非彦右衛門左馬助。見上文七月十五日。故不取。內藤

家長素善射。開西城門射敵。殪五、六人。敵猶競進。家長謂部

將安藤治右衛門定次曰。子與息小一郎。

安藤定次太郎左衛門家重第五子。

木工之助基能弟關原合戰誌
曰小一郎名幸長未知是否力戰拒敵吾伺其間引決乃

退入城登鐘樓積薪謂其兵原田某曰汝須脫圍往關東告

狀兩公及左馬助家長長子政長也遂自殺時年五十九原田某縱

火焚其屍潰圍出奔關東家長次子小一郎年十六與垣見

家純格鬪被創欲與父同死鐘樓火熾不得近卸甲自屠跳

入火中而死安藤定次松井茂兵衛長谷川吉左衛門原田

三九郎糟屋作十郎等十六人力戰而死關原記大全駒井直方

得混敵脫去佐佐木系圖諸書不載石部巖間兵庫戰死佐

野綱正放大銃防敵銃迸裂焚死關原合戰誌石卯餘史松

曰神祖東征使綱正留守大坂西城護侍女毛利輝元逼使

出城綱正謂不與軍事非吾志也乃使吏卒護侍女潛居河

內村里入伏見城與諸將守城死其後神祖答其不護侍女

沒綱正米邑別賜其子主馬祿五百石關原記大全曰綱正

戰死或云出走按神祖祿其子主馬則死事明矣西城既陷鳥居元忠固守牙城部

兵進曰敵兵充塞城中不可復拒請速自殺元忠曰凡為將

者運盡命窮而自殺固其所也時未至而速死亦非所貴雖

敵一人殺之是吾志也恨我年既邁往年三方原之戰被創

步趨不便按元龜三年三方原之戰元忠傷股天正三年

攻諏訪原城銃中其股創愈為跛蓋再被創也今當隨分效死等死要其光明俊偉耳豐臣秀秋隊將松野

主馬使其兵射火箭於樓櫓元忠使加藤九郎右衛門撲滅

之九郎右衛門中火箭墮濠中火勢益猛元忠見事不可為

率部兵二百餘人開門出戰縱橫馳突却敵七八次部兵杉

浦河内。鈴木六左衛門。鳥居權平。鳥山喜大夫等五十餘人

戰死。元忠力疲。杖眉尖刀而憩。敵兵雜賀孫市重朝。初稱鈴木孫三

郎。本貫紀州雜賀。唯嫡子一人稱雜賀氏。餘皆稱鈴木氏。撰餘史者。不知此事。作雜賀孫市鈴木孫三郎二人相共擊元

忠。關原記大全載一說曰。孫市改姓名曰桑原忠兵衛。進將皆非。重朝事秀吉公有勇名。後事水戶威公。子孫見存。

擊之。元忠自呼曰。我守城大將鳥居彦右衛門也。來與我決。

重朝橫槍曰。願授子首。以揚我名。元忠然之。卸甲刳腹死之。

時年六十二。重朝終獲其首。家忠日記。德川記。松榮紀事。○慶元記。石卯餘史。並曰。元忠欲

與内藤家長同死。往松丸。家長曰。守此城者。吾子與吾也。胡為捨牙城。來之。元忠然之。欲還牙城。敵兵充塞。不得入。遂力

戰自殺。關原記大全駁此說曰。元忠初與諸將約。各守其所。不互相救。牙城牢固。何為捨之。來于西城耶。其說是也。故不

取。上林竹菴宇治茶商也。來訊元忠家長。及敵將來攻。請同

守城。元忠家長曰。汝非士人。去此有何不可。宜出去。竹菴曰。

品流雖殊。志操豈媿士人。久荷閣下之恩眷。今不報之。更待

何日。乃以紅巾為抹額。領兵守大鼓丸。力戰死之。亂平。神祖

嘉其志。給其子祿五百石。世為宇治縣吏。石卯餘史。關原合戰誌。松榮紀事。

城兵死者一千八百餘人。敵兵死傷二千五百餘人。關原記大全。

宇喜多秀家送鳥居元忠松平家忠松平近正首於大阪。秀

賴賞將士之功。有差。毛利輝元增田長盛代秀賴。檢三將首。

梟之於大阪京橋。關原記大全。○石卯餘史曰。石田三成載元忠家長近正首於盤梟於京橋。松

榮紀事曰。家長首不知所在。按家長積薪焚屍。則不知所在。為得實。今從之。深尾清十郎亡去。按

十郎之死。生諸說紛紜。家忠日記餘史。並曰。捕斬之。關原外記曰。清十郎江州代管。三成捕江州士人妻子。磔之。清十郎

不勝其慘酷。故為內應。城陷擒之。使秀秋部將村上宇兵衛
幽之。此說近實。蓋秀秋歸順後。神祖獲之處。刑也。故今從松
榮紀事。但初豐臣秀吉築伏見城。玉樓金殿。壯麗甲天下。至
書七去。

是一時灰燼。奧州軍記其地規模廣大。門巷頗多。兵寡不能守。元

忠家長相議。撤松丸橋。為守禦之計。告之小山。神祖聞之曰。

凡城守者。無橋之處。宜架橋。昔土佐坊昌俊夜襲堀河館。源

義經開門待敵。亦此意也。今有橋撤之。何以能守。不數日城

陷。果如所料。關原記大全。關原合戰誌。○關原外記曰。元忠

澆淚曰。城大兵寡。必不能守。城破則名越丸。必先破矣。果如其言。大全駁此說曰。伏見城陷。深尾清十郎內應之故。而非

地利不完固。此好事者之說也。故不取。

臣按。舍生取義。見危致命。固人臣之大節。而能蹈之者鮮

矣。鳥居元忠。松平家忠。內藤家長。松平近正。受留寄之任。

守伏見城。四將誓心天地。捍禦大敵。孤城無援。內有反者。

勢蹙力殫。而志氣不撓。裹創揮槍。仗正而斃。其忠勇壯烈。

之氣。炯炯上貫霄漢。真足以植綱常而扶世教也。家長之

子小一郎。弱齡勇決。可謂不忝爾所生矣。或咎元忠不通

權變。而拒豐臣秀秋。島津惟新之歸款。以致城陷。非也。元

忠豈不知二將入守。則城可以全。眾可以生。而轉危為安。

哉。誠慮敵多詐謀。萬一見欺。則上無以報神祖。下無以見

士卒。寧喪元而不受辱。故守大經而不為動。此乃所以為

人臣之勸。而或者權變之說。非所以垂戒後世者也。家忠

三世死節。世無其比。祖好景死于中島。父伊忠死于鳶巢。而不許家忠從死。釀酒為別。勉以忠義之言。家忠克守遺訓。不墜家聲。壯烈殆將過之。林學士恕碑之。擬以宋康保裔三世殉難。宜矣。四將子孫。世居方面。以膺藩屏之寄。旌忠褒義。疇庸之典。既厚。而四將之烈。垂于不朽矣。

堀秀治奉東征之命。率其弟藏王山城主美作守親良。其宰

三條城主堀直政。及直政長子雅樂助。後襲稱次子阪戶城

主丹後守直奇。諸書多作直寄。今據直奇手書花押訂之。本莊城主村上義明。新

發田城主溝口秀勝。下倉城主小倉主膳。椽尾城主神子田

八右衛門等。兵一萬五千餘。至津川口。及神祖將西上。諭秀

治使引兵各守其城。直政從秀治。還春日山城。使雅樂助守

三條城。上杉景勝扇誘越後土人。使舉兵侵掠郡縣。越後人

以其為舊主。多叛應之。賊帥丸田右京。關原合戰誌作刑部。今從關原記大全。

齋藤右衛門柳崎某等。率三千餘人。寇下倉。城主小倉主膳

開門出戰。堀直奇在阪戶城聞之。欲出救。其臣諫曰。土寇競

起。管內有黨之者。伺間來攻。則城必危矣。宜命將救之。明公

據城固守。直奇曰。不然。我領此地。雖未久遠。而務以恩惠撫

士民。未嘗侵刻其下。有何怨讎。而黨賊攻我乎。儻賊來攻。則

下倉去此僅五里。星夜馳歸。可擊破之。二日。直奇將兵一千

八百。奔赴救之。未至。主膳力戰死之。從兵死者五十餘人。直

奇之臣途聞城陷。又諫曰。賊乘其勢。必攻阪戶。宜還兵守城。直奇曰。今不戰而退。則世人必謂畏縮逃去。且賊來攻。猶之可也。若不來攻。何面目可見人乎。兵不血刃而徒歸去。我不能也。益馳赴之。賊既拔下倉城。乘勝侮之。張陣以待。直奇進旗奮擊。大破之。斬賊帥丸田右京。其餘斬三百餘級。齋藤柝崎等率敗兵。渡四日市河水而陣。直奇又擊敗之。賊奔田川。直奇追擊。又斬二百餘級。分部兵與主膳殘兵戍下倉城。羽日。報捷小山宇都宮。神祖世子賜書褒其功。神祖使西尾吉次諭旨曰。賊又來侵。須遣真田伊豆守。牧野右馬允。本多豐後守。平巖主計頭。以勦之。

關原記大全。本書曰。一說會津之兵與丸田齋藤等攻下倉城。質之。

上杉家士報曰。唯有直江山城守攻山形。其餘景勝未嘗出兵。又一說。丹後守馳至下倉城。告來援。主膳曰。君第觀我擊賊。今破走之矣。既而直奇進兵。主膳不待其來救而戰死。齋二說未知孰是。今按合戰誌亦與此二說同。附以備考。

藤右衛門柝崎某等集敗兵。據下田山。立柵自固。堀親良擊却之。斬數十級。告捷小山。神祖賜書褒之。

關原記大全舉一說曰。丹後守聞

賊據下田。張陣相對。有甲士九人。取田間路出。敵之右。連發鳥銃。敵兵騷擾。甲士一人。秉白旄麾兵。丹後守之兵爭進。擊破之。斬一百七十餘級。秉旄者。即丹後守也。又云。斬齋藤柝崎二人。今按合戰誌所書亦同。大全又云。上杉謙信驍將有柝崎和泉。以通謀于信長公。謙信誅之。此所謂柝崎某。豈其子孫在越後作亂乎。亦附以備考。

于溝口秀勝欲討土寇。秀勝率七百餘人出勦之。賊帥丸田廣瀨萬貫寺等。逆戰於冰原。秀勝擊破之。涉文陀川至五泉。賊築寨固守。伏兵三百於蘆葦叢中。以待之。義明秀勝合兵

二千。毆伏兵却之。急攻其寨破之。斬一百五十餘級。進至橋本。賊又築壘據守。義明秀勝又擊破之。距三條城二里駐軍。聞賊圍三條城。義明遣謀告援。堀雅樂助聞二人來救。率兵出城與賊戰。大敗之。斬數百級。二人乘勢進兵。賊悉潰走。堀直政聞賊攻三條。將兵出春日山。至柏崎。捷報至。引兵還春日山城。下倉之戰以下。德川記關原合戰誌石卯餘史慶元日山城。記松榮紀事皆有其事。而關原記大全叙事詳悉。今從之。先是前田利勝名弟利政於金澤城議曰。去年大老奉行構我於內府。既可惡矣。今舉大事。不使我與知。其意可知也。故欲屬內府以決勝敗於一戰。子意何如。利政曰。天下中分為私構怨。則當屬內府。若為嗣君。則當擇所從。宜遣使大阪。

審問舉事之由。然後決議。利勝曰。近年觀諸將之心。實為嗣君者。斷無一人揚言為之。其實皆欲濟私。羽柴加賀守以下。丹羽長重秀吉公賜羽柴氏故稱之。至邊鄙諸將。皆不知其姦謀。雖一旦被惑。

黨于彼輩。終必悔悟。以從內府。子宜勉從我言。利政不得已從之。利勝喜。使利政還能登以起兵。宇喜多秀家毛利輝元遺書利勝兄弟使歸大阪。利勝不從。利政留其臣前田播磨守七尾城。率兵至金澤。利勝以其臣高畠石見留守金澤城。與利政合兵一萬八千餘人。發金澤。涉湊川。手取川。陣三堂。

山。關原合戰誌慶長一統記作三田山。三堂三田國音相近。今從關原記大全。○關原合戰誌曰。初利勝母妻在大阪。去年利勝取之歸藩。而留利政之妻於大阪。故利政怨之。稱病不出。宰臣諫之。利政不得已。使伯父前田播磨將兵三千。

人從利勝以攻大聖寺城據家忠日記慶長記大全等諸書此時利政實從利勝攻大聖寺城而利政稱病不出者是年九月利勝再起兵攻小松城時事而合戰誌誤矣故不取利勝遣使小松城勸丹羽長重

歸款長重不聽利勝與利政議欲攻小松城將校諫曰小松

堅城也且多兵攻之未易下不如攻大聖寺城城雖險地勢

不完固且寡兵今出不意自間道攻之則城必可拔大聖寺

既陷則小松亦可不戰而下矣利勝從之乃留岡島備中不

破大學於三堂山備小松之兵前鋒至木葉村慶長一統記大學作彦

寺載兵士於漁船二十餘艘泛湖水以待之前鋒不之覺過

木葉瀉小松之兵發銃橫擊之死傷頗多利勝聞之遣神尾

圖書上阪又兵衛等救之水陸放銃相爭小松候騎見利勝

之兵還御幸塚誤以為敵邀我歸路馳告長重長重遣使收

兵故利勝得進軍至松山三日利勝利政分兵一萬五千為

三隊按利勝發金澤有兵一萬八千蓋留三千備小松城也又按諸書七月二十六日利勝發金澤二十七日

三堂山八月朔發三堂山至松山今欲事實接續故不係日自前後攻城山口宗和之子

右京亮關原記大全曰名元和關原合戰誌作脩弘未知孰是率兵五百出南鄉放銃

擊利政之陣利政不顧死傷進戰右京亮引入大聖寺城利

政急擊之右京亮至鯨橋還鬪利政擊破之敵兵退可一町

右京亮再還鬪決死相爭兩軍戰疲交綏關原記大全關原合戰誌石卯餘史

是日神祖賜書脇阪安治嘉其通款家忠日記四日黎明利勝利

是日神祖賜書脇阪安治嘉其通款家忠日記四日黎明利勝利

是日神祖賜書脇阪安治嘉其通款家忠日記四日黎明利勝利

是日神祖賜書脇阪安治嘉其通款家忠日記四日黎明利勝利

政又進攻城。城兵一千五百人。決死拒戰。金澤之兵進入鐘

丸。利勝隊將山崎長門。初稱勝兵衛。事朝倉義景。剃髮。號間齋。關原記大全曰。名長德。橫山

長知。大田但馬。土方雄久弟。出繼大田氏。奧村河內。村井出雲。利政隊將

高山南坊。初稱右近。攝州高槻城主。秀吉公以其崇奉天主教。謫于加賀。號南坊太虛。神祖故之阿媽港。事在

十九年。德川歷代云。名友。祥。或云長房。未知孰是。富田下總。長九郎左衛門連龍。名

關原記長安藝守督兵奮戰。互有死傷。藤掛豐前善射。上鐘

丸之屋。騎危放箭。生田四郎兵衛。西村右馬助。亦放銃殪敵。

山崎長門次子勝兵衛。與鐘丸守將蔣田次郎兵衛。馬上相

戰。斬次郎兵衛。鐘丸既陷。宗和父子退入牙城。悉力拒守。我

兵蟻附破之。右京亮自呼其名。不拔刀而授首。山崎長門之

兵木崎長左衛門獲之。宗和使從兵縱火焚城。自屠而死。兩

日之戰。城兵死者八百餘人。關原合戰誌曰。五百四十四人。關原記大全曰。關士八十餘人。

至步卒奴隸。凡八百餘人。今從之。合戰誌又云。五日城陷。按慶元記。八月二十六日。利勝發金澤。九月四日。大聖寺城陷。

五日戰于淺井。暇皆差一月。今從家忠。日記德川記。關原記大全。石卯餘史。我兵死傷九百餘人。

關原記大全。○關原合戰誌曰。山口玄蕃遣使小松城曰。大聖寺城淺隘難守。願入貴藩。得守一方。長重諾。八月朔。玄蕃

率兵百五十人。來于小松。長重饗之。贈短刀。玄蕃亦贈短刀。于長重之姪五郎助。饗畢。授所守地。其地非要害。玄蕃怒。還

大聖寺城。大全駁之曰。諸書皆有此說。按山口父子強將也。不應無所稟命。捨己城而出守他城。此後人傳聞之繆也。一

說又云。長重與玄蕃約。金澤之兵來攻。則我必救之。聞利勝來攻。長重率兵出至。勸橋見大聖寺城煙起。知其既陷。還軍。

按長重為救小松之兵出軍。則或有之。非以與玄蕃約而出援之也。又云。鐘丸既陷。玄蕃乞降。利勝兄弟不許。遂自殺。按

三日。鯨橋之戰。勝負相半。玄蕃若有貳心。則宜以此時講和。不應勢屈乞降。蓋山口父子皆感秀吉公之恩。欲以死報之。

後年大阪之戰。次子左馬助弘定。決烈酷似其兄。右京利勝亮。人皆稱之。乞降之說。不足信。此論是也。故皆不取。

利政召諸隊將褒其功。分給城中金銀。以賞戰士。初利勝屯松山。大聖寺農商皆逃散。利勝使人慰諭曰。我取敵將。不戮汝等。宜各還本業。邑民大悅。僧徒祠官捧土宜來謁。安堵如故。利勝遣使告捷關東。留篠原出羽加藤圖書守大聖寺城。進軍經略越前。關原記先是大谷吉隆徇北國。毛利輝元以京極高次為將。吉隆為軍監。朽木元綱脇阪安治。其子淡路守安元。戶田武藏守重政。平塚因幡守為廣。赤座久兵衛等從之。兵合二萬餘騎。屯越前敦賀。其黨青木紀伊守一矩守北莊城。罹疾。是日。吉隆發敦賀。至鯖並邑。一矩飛檄告大聖

寺城陷。利勝進兵將攻北莊城。宜急救之。事若遲緩。則城不可保。不得不棄而走矣。吉隆之兵皆笑曰。紀伊守領二十萬石。其兵幾及一萬。且為主戰。而畏利勝兄弟一萬五千之兵。求救於我。何其怯也。吉隆不然之。欲出救之。時堀尾吉晴出在濱松城。使姪宮內及家臣堀尾勘解由守越前國府城。為廣久兵衛謂吉隆曰。不攻府城。則前後受敵。進退必難。先拔府城。然後救北莊。則兵有利矣。吉隆曰。不然。頓兵堅城之下。而北莊城陷。則丹羽長重孤立失勢。且我兵多損。縱不損兵而拔之。須留四五百騎戍之。勢分兵寡。難對大敵。今不攻府城。而使敵守之。是代我留守也。北地悉定。則府城不攻自拔。

此不戰而制勝之術也。機在迅速，不可遲留。登時發兵，其夜

五更至北莊。家忠日記、關原記大全、關原合戰誌、松榮紀事佐竹義宣通謀于上杉

景勝，聞神祖東征，將兵四萬發水戶城，過石那阪，至多珂郡。

其父義重雅歸心于神祖，以其族東左近大夫政義為使，諭

以禍福，義宣不得已，引兵還城。慶長軍記曰：義宣將兵發水戶，援景勝，聞白石城陷，引兵

還，今從關原記大全神祖遣島田利政於水戶，讓義宣曰：卿命出兵中

山道以攻會津，而至今未發一兵，反為守禦之計，聞石田三

成反於關西，吾今班師討之，卿守前約，可速出兵攻景勝，且

送任子。義宣曰：僕與閣下素無睚眦之怨，豈黨三成乎？然妻

孥為質在大阪，今無質可送。石卯餘史曰：義宣以父常陸介義重為質在大阪為辭，按是

時義重致仕在大田城，餘史誤諸將知其觀望，請先擊之。神祖曰：京畿本也。

佐竹末也，苟絕其本，則末豈得存？竟不許擊之，使皆川廣照

水谷勝俊、成田氏憲、那須太郎資晴。二即資胤子大田原備前守

晴清。山城守繩清子屯鍋掛，松平信一在上野布川城，以備義宣。石卯

餘史、關原合戰誌、松榮紀事、○按布川在利根川下，流與常陸接疆，宜備義宣而諸書皆作上野，未詳伊達政

宗在奧州巖手澤城，相馬長門守義胤。彈正大弼胤子在中村城。

最上義光在羽州山形城，戶澤九郎五郎政盛。平九郎光盛子，後為右京

亮在林崎城，平巖親吉在上野廐橋城，松平一生在三藏城。

植村泰忠在勝浦城，鳥居忠政在下總矢矧城，松平忠利在

小美川城，以為犄角之勢。家忠日記神祖命宇都宮城主蒲生秀

行。房州館山城主里見義康。下野黑羽城主岡部長盛。佐野

城主佐野修理大夫信吉。富田左近將監知信第二子。佐野天德寺子養之。兵凡二

萬五千人。副參河守秀康。以備上杉景勝。關原記秀行宗臣

蒲生源左衛門卿成。初稱伴小阪。著勇名。蒲生氏。卿名爲臣。授氏爲家老。言於神祖曰。

今收那須七騎之質。蘆野大田原。那須福原干本。大關伊王野世謂之那須七騎。與彼合

兵。秀行爲前鋒。扼東山道。則景勝雖彊。梁必不得進兵矣。神

祖善之。乃收那須諸將之質。以受秀康之指揮。石卯餘史。乃四家合考。

諭世子修繕宇都宮城。由東山道徑向美濃路。創業記。關原

軍記。慶長一統記。神祖自小山還江戶。關原合戰誌曰。七月二十八日發小山。蓋以諸將發小山

日誤爲神祖。慶長記。慶元記。係二十七日。關原記。大全作八月五日。一說八月朔。皆誤。家忠日記曰。在小山。凡十日。處分

東國軍事。四日還江戶。今從之。以山城宮內少輔爲使。告西征於關西諸將

爲神祖城守者。關原合戰誌。石卯餘史。二書並曰。關原亂

月。宮內少輔與罷川正弘等監修。築駿府城。則無幾召還之乎。未詳。六日。石田三成遺書真田

昌幸。其略曰。輝元秀家長盛正家德善院相議。授信州於足

下。招諭深志。按先是小笠原貞慶改深志曰松本。蓋仍其舊稱也。川中島諏訪小諸

及甲州諸將。在足下之方略耳。諸將妻孥。皆在大阪。必當歸

順。有拒命者。速討滅之。若兵力不贍。則遣美濃將士爲援。森

右近欺罔嗣君。增其封邑。罪不容誅。堀久太郎志在大阪。翽

戴嗣君。須移封關西。賜越後于景勝。以褒其忠。羽柴肥前守

老母。及家臣之質。在江戶。故歸順之報未明白。今使丹羽五

郎左衛門出兵問其罪。久太郎入越中經略之。細川幽齋力

屈丐生。故流之。丹後悉平。越中守諂媚內府。恣增封邑。其罪

不輕。故收所在大阪妻子燔殺之。○按是時幽齋固守田邊

興夫人貞烈自殺。家臣焚其屍而云燔殺之。下至伏見諸將

死。義皆三成侈言而非事實。且幽齋與敵講和。出田邊城者

九月十八日。而在三成敗亡之後。此書內府之士五百餘人。

留守西丸。今逐之。使輝元居西丸以鎮壓之。諸將攻伏見城。

拔之。鳥居彥右衛門松平主殿助以下千八百人皆伏誅。彼

輩踏躡宮室。污穢屋宇。故縱火焚之。悉爲灰燼。筑紫諸將在

佐和山。守余指麾。其餘盡忠輸誠者。姓名悉具別幅。覽訖可

送會津。但會津往來書牒。務要慎密。內府纔以三四萬兵分

守管內十五城。而與上杉佐竹對壘。歷二十日行程。欲入關

西。其可能乎。天下大名孰敢蔑嗣君。棄妻子。忘太閤二十年

之恩。而慕內府去年以來之眷遇哉。儻內府妄意西上。是天

幸也。邀之尾參之間。可擊而殲矣。前日水野和泉守爲加賀

井彌八郎所殺。掘尾帶刀重創瀕死。中村式部少輔病死。想

足下聞之。內府之勢日蹙。而余兵勢日盛。昨秀元率兵一萬

餘。與吉川安國寺及正家赴勢州。固鈴鹿關。余亦近欲往尾

州。會于岐阜中納言以決勝算。須不日報捷。足下銳意進取。

以立功效。則賞在不訾。大阪城中金銀火藥。充物府庫。隨須

給之家眷皆平安。勿嬰思慮。昌幸信仍得書大悅。據守城堡。

以塞世子西征之路。家忠日記德川記關原記大全石是日。

前田利勝利政進至加賀越前之界細呂木。宇喜多秀家。毛

利輝元遣使齋連名書誣神祖之罪。使利勝專心歸附大阪。

利勝不答。却其使。關原記利勝妹夫中川宗伴聞利勝出兵

往訪之。路過北莊。宗伴名光重八郎右衛門重政子從五位

或云宗伴至敦賀被拘誤矣今訂之大谷吉隆逼之。使作書貽利勝曰。內府急

赴關西。與秀家輝元岐阜中納言筑前中納言等之大軍戰

于美濃。東軍諸將多內應者。內府戰敗。入參州吉田城。故關

西皆敵於內府。為平北陸道。檣兵船數百艘於氣比浦。近日

將解纜攻北國。宜備之。德川記關原合戰誌石卯餘史等諸

黨蠱起關西鼎沸丹波丹後若狹之兵乘戰艦數百艘至賀

州宮腰利勝讀之還軍按利勝算定而出軍不應見此書輒

還軍聞神祖戰敗其意大沮故還軍也此書先關原之戰幾

十日然利勝不知神祖出軍遲緩前軍諸將既發江府則利

勝必謂神祖亦當繼發故信之而還軍也今從宗伴善書。利

關原記大全慶元記但慶元記係九月五日誤。再舉丹羽長重謂其宰江口三郎右衛門正吉。初稱傳治諸

稱石見今質之正吉玄孫正道石見阪井與右衛門直政。大

正吉之子而正吉未嘗稱石見也矢與兵衛曰。前日之戰。雖擾利勝之軍。而無赫赫之功。今欲

出兵以洩餘憤。且弔山口父子於地下。然敵大軍也。每隊對

戰。則勝敗難料。不如使敵過軍。審其形勢。以擊後軍。則必有

利矣。二郎右衛門宜將兵擊之。七日利勝令將校曰。明日將退軍。長重出兵邀之。必矣。雖小敵不可侮。山崎長門。長連龍。高山南坊。大田但馬。奧村伊豫。富田下總。宜經大路。至御幸塚。備小松之兵。比我與能登守。至三堂。宜還軍働橋。取間道。以會于三堂。八日五更。長門連龍南坊。但馬伊豫下總等。發大聖寺。至御幸塚。旦日利勝利政亦發大聖寺。至三堂。諸書

且蓋以九日戰于淺井。暇誤為其日。今從關原記大全。○按石卯餘史作九月九日。益誤。長門在御幸塚。議曰。明日還軍働橋。傍山而退。則似畏敵。不如徑經大呂一屋。向淺井而退。步卒隊長松平久兵衛進曰。如此則長重得志而我必失利矣。宜守軍令。由間道退。長門咄曰。小敵何足

畏哉。彼若出躡。則大軍圍之。不使一人生還。久兵衛曰。我非為身。特為君侯計耳。小松城兵如婦人小兒。則非所知。凡為武將者。見我過城下。安得晏然不出擊哉。明日之戰。子能不亂隊伍。以踐其言。我必挺衆揮槍。以明我志。長門竟不從。久兵衛忿激而出。長門探籌定軍列。第一長門。第二南坊。第三伊豫。第四下總。第五但馬。連龍父子為殿。其夜四更。江口正吉出小松。至桑原設伏。九日五更。金澤隊將發御幸塚。過大呂。正吉使銃手擊其後軍。連龍之隊頗騷擾。正吉秉麾厲衆。伏發。士皆殊死戰。連龍及其子好連。遇伏不少沮。厲聲督戰。部兵死傷頗多。小松之兵進逼。連龍麾下。好連時年十八。進

馬將決死。連龍亦進馬。父子之兵攬其馬銜。父子怒。部兵不聽。遂回其馬。正吉乘勝逐之。連龍父子殘兵纔可二十人。還鬪。凡三。長重登市廛之屋上。望見大呂之戰。命阪井直政曰。我軍既捷。汝須邀敵歸路。斬其隊將。直政急發小松。歷北淺井。至南淺井。見連龍敗走。將橫擊之。連龍父子知其不免。決志必死。兩軍之間有深沼。互不得進。大田但馬聞大呂之戰。還軍淺井。救連龍父子。直政見但馬之旌旗。督兵競進。淺井暇道路狹隘。但馬部兵水越縫殿。至山代橋下馬。據關原記大全。山代或作山。揮槍挑戰。敵兵成田助九郎。安孫子作大夫。諸書作城誤。柴田勝家之士五左衛門。清右衛門。今從關原記。拜鄉次大夫。子五左衛門。戰死。柳瀬。不破。門。今從關原記。拜鄉次大夫。子五左衛門。戰死。柳瀬。不破。

木工兵衛。宮田小兵衛。相繼而進。松平久兵衛馳至。下馬進縫殿之前。揮槍自呼第一槍。以踐前言。但馬之兵巖井傳左衛門。井上勘左衛門。竝進。久兵衛與木工兵衛。縫殿與作大夫。勘左衛門與助九郎。傳左衛門與次大夫。接槍相爭。但馬使上阪主馬。大野甚之丞。放銃。次大夫木工兵衛中鉛斃。兩軍之士。戰疲互退。利勝在三堂聞之。騎駿馬馳至本鄉。山崎長門。高山南坊。亦還軍至鎌谷。長重候騎。告利勝來救。長重急出小松。軍南淺井。江口正吉雖戰勝而憤。不獲連龍父子。進兵陣于蓮臺寺山麓。長重遣使使之引去。正吉固請留戰。長重再遣使諭之。正吉引兵還。但馬及連龍父子亦引去。利

勝還軍三堂。長重收兵入小松城。利勝勞連龍父子之力戰。

賞松平久兵衛之膽略。擢為隊將。家忠日記、德川記、慶元記、慶長一統記、關原合戰誌、

石卯餘史事實互有異同、今從關原記大全、○大全合戰誌、餘史並云、松平久兵衛事利家、秀吉公擊島津義久、攻豐前

巖石城、力戰有功、利家賞之、倍俸三百石、給六百石、至此與山崎長門忿爭、戰于淺井、暇接槍著勇、利勝褒之、授俸二萬

石為家老、後更稱伯耆、十日。利勝還金澤。始悟宗伴之書敵之詐謀。聞

神祖西上。大悔之。謀攻小松城。以入關西。堀尾宮內勢屈。不

能守府城。降于大谷吉隆。果如吉隆之所料矣。關原記大全、關原合戰誌、

慶元記、初吉隆入援北莊城。謀連來告利勝。拔大聖寺城。乘勢

來攻。吉隆不為動。謂青木一矩曰。敵今來攻。則不戰而曠日。

須關西大軍。可一舉而殲之。若彼競進。則乘虛擊破。流屍骸

於鳴香川。防守之術。當委我矣。謀又來告。利勝還軍。不知其

故。吉隆又謂一矩曰。縱肥前守避大路。從間道退軍。羽柴加

賀守必出兵邀之。小松去此不遠。則我與子馳向小松。當與

加賀守合兵。逞志一戰。而路程相隔十四五里。人馬之力難

及。此為憾耳。吉隆在北莊數日。西軍稍稍來集。乃與一矩議。

修大聖寺城。使木下宮內少輔。蜂須賀至鎮之。將高木法齋

成之。寺西備中守。奧山雅樂助。上田主水正重安。據上田系圖、甚右衛

門重元子、初稱左太郎、事秀吉、公領一萬石、赴小松城、以援後有故事、淺野幸長、晟父子、剃髮號宗右、

長重。關原記、毛利輝元使其子秀元出屯。勢多。秀元諫曰。不

可。嗣君孤弱。三成固之以欺天下耳目。世所共知也。大人嘗

與內府盟有兄弟之分。今宜遣兒關東明其無他。教諭姦黨。亟使三成弭兵。三成拒命。則擊之甚易。然後與府內戮力一心。輔佐嗣君。則家運可以長久。儻不能從。則大人宜奉嗣君而東征。諸將從內府者。必來歸矣。安危之機。在此二途。而今無故出兵。勢多。進退失據。非計之得者也。堅田兵部少輔讒佞。有寵於輝元。密謂輝元曰。秀元卿智謀超眾。奉使關東。志趣難料。輝元信之。不用秀元之言。秀元不得已。軍勢多。毛利家記秀元勸三成奉秀賴為將。如說輝元。三成不能用。秀元曰。然則至參河遠江。待內府西征。以決勝負。三成曰。福島正則。池田輝政。田中吉政等。歸降在近。請勿勞心。輒別去。秀元雖知

其不能成。而無如之何矣。毛利家記。松榮紀事。其後三成部分其黨。遣

諸將於伊賀伊勢美濃北陸。輝元及增田長盛守大阪。其兵

總十八萬四千八百七十人。松榮紀事。長盛上載。德善院玄

社佛寺事。不在大阪。故削之。○本書曰。輝元兵四萬一千五百。身在大阪。故使秀元將三萬。長門守秀就將一萬。宇喜多

秀家。豐臣秀秋。長曾我部盛親等。合七萬九千八百六十人。向伊勢。按上文七月。秀元正家將三萬餘騎。至伊勢。與此不

合。疑非其實。事亦重複。故不取其餘。如織田秀信。京極高次。稻葉貞通。大谷吉隆等。各在其城。不來于大阪。而書兵數幾

千百。蓋三成注記其黨於己者之兵數。而總計之也。今不一

一書之。細川家傳錄亦云。十八萬四千九百七十人。與松榮

紀事合。今據二方此時。氏家行廣在桑名城。羽柴勝雅在神

戶城。岡本下野守。在龜山城。九鬼嘉隆在鳥羽城。與久留島

某。○諸書名稱闕。按明年久留島康親。賜豐後地。管平右衛

門寇鈔沿海長束伊賀守正家弟守水口城原隱岐守餘史曰名胤房

未知在大田城其餘諸將黨于三成者根據盤結○家忠日記曰行廣

兵七百餘騎勝雅八百餘騎下野守六百三十餘騎附以備致三成與

織田秀信合謀以岐阜大垣二城為根本以扼東海東山二

道諸國告急者絡繹如織神祖舉止自若不異平日石卯餘史關原

合戰誌○餘史曰三成置新關於不破然諸書所不載且無諸將關門之戰故不取上杉景勝將兵八

千屯長沼以為猪苗代福島梁川諸城之聲勢使直江兼續

將兵二萬援白川聞神祖班師歛軍還會津關原合戰誌景勝將

佐皆喜曰關西蠢起內府還軍我軍取勝必矣獨水原常陸

親憲攢眉憂曰關原記大全石卯餘史難波戰記水原作杉原親憲之姪有杉原彦左衛門親清則杉原

為是然德川記合戰誌作水原據長尾家譜載謙信將士名氏有水原常陸介蓋水原杉原國音相近今據家譜訂之○

大全曰常陸初稱大關彌七郎知兵數有武功上杉謙信給九萬石為須賀川城主為景勝軍監眾皆以為

內府畏前後之敵收兵誤矣吾察形勢內府與諸將謀出師

關西雖勝敗未易料內府必得勝則我君智勇縱出內府之

上而難以一人之力平定天下故吾甚憂之後竟如其所料

關原記十三日征西諸將至清洲松榮紀事無日家忠日記

九日奉使來清洲諸將以是日至清洲則不宜言神祖發駕遲緩家忠日記誤矣與州軍記慶長記係十四日其說近是

今從創業記慶元福島正則為清洲城主故營辦芻糧池田

輝政神祖之女婿而吉田之城主也故諸將皆納質于吉田

城以明其無貳軍監井伊直政本多忠勝馳書趣駕神祖故

緩其事。諸將頗惑之。

家忠日記、關原記大全、石卯餘史、土方關原合戰誌、慶元記、松榮紀事

雄久至金澤。諭旨於加賀中納言利勝。神祖又使小林又左

衛門齋書至金澤。告征西。諭利勝利政。出軍美濃尾張之間。

以會戰期。利勝遣使能登。使利政引兵來會。利政拒之曰。曷

在細呂木。見秀家輝元之書。謂舉兵專為國家。則難從家兄

之命。利勝遣雄久於能登。勸之再三。利政固執不可。雄久還

金澤。利勝又遣使勸之。利政稱病不出。終與利勝絕。西尾藤

兵衛利氏至小松。利氏隱岐守吉次第二子。大全正文云。長重將校勸歸降。載一說曰。藤兵衛勸之。德

川記慶長軍記。說丹羽長重歸順。長重從之。以棚橋宇兵衛

為使。上書神祖謝罪。謂寺西備中守。奧山雅樂助。上田重安

曰。吾有所思。歸款內府。卿等素黨于關西。宜各從其志。備中

守等皆辭去。大聖寺戍將木下宮內少輔。高木法齋等。輸款

神祖。皆降于利勝。利勝以季弟猿千代為質。○猿千代長而名利光。為利勝

嗣。見下文六年。長重以弟左近及其宰江口正吉。阪井直政之子為

質。講和休兵。關原記大全、關原合戰誌、石卯餘史、○松榮紀事曰。利勝與長重相戰數月。然後和親。按八月

九日。利勝與長重戰于淺井。駿纒踰月。且諸書無再與長重戰事。故不取。石田三成遣使大垣城

主伊藤彦兵衛借城。彦兵衛不聽。福原直孝平塚為廣至大

垣。說彦兵衛曰。三成非為私而專為公家借城。宜亟避去。擇

要害之地。築寨以自守。彦兵衛從之。築寨采邑今村徙居焉。

慶長軍記曰。三成遣使借城。彦兵衛不肯。三成使福原右馬助平塚因幡守將兵攻之。彦兵衛不意其猝至。驅市人拒之。

不及一戰。逃入城中。彦兵衛不能守。授城于右。九日。三成將馬助而去。蓋誤。今從關原合戰誌。關原記。大全。

八千餘兵。發佐和山。留于垂井。十一日。入大垣城。家忠日記

作十六日。入大垣。今從關原記。大全。關原合戰誌。關原記。石卯餘史。八千合戰誌。作六千。諸書或作一萬餘騎。今從大全。

部分其兵。蒲生備中出伊勢口。屯河津駒野。檉原彦右衛門。

川瀨左馬助。援岐阜城。舞兵庫為遊軍。以三千餘兵自衛。關

原合戰誌。石卯餘史。關原軍記。各舉兵數。頗有異同。未知孰是。故不書。島津惟新。其姪豐久。小

西行長。熊谷直陳。垣見家純。秋月種長。高橋元種。相良長每。

木村宗左衛門。其子傳藏。平塚為廣等從之。合二萬三千六

百餘人。家忠日記。德川記。石卯餘史。慶長一統記。松榮紀事。美濃今尾城主市橋長勝。

受神祖之命。還自小山守城。石田三成之黨丸毛三郎兵衛。

兵庫頭某子。據福東城。為大垣之聲援。尾州人橫井伊織。遣使勸

其歸款。三郎兵衛不聽。是日。長勝與德永法印壽昌。橫井伊

織。率兵二千攻之。三郎兵衛舉烽。出梶村渡口拒之。大垣城

中見烽起。使伊藤彦兵衛。武光式部等援之。彦兵衛。舊大垣城主。式部長松

城主。三成援軍。舞兵庫。高野越中等兵合三千。隔川而陣。互發

鳥銃相爭。其夜。長勝潛遣兵燒陣後村里。敵兵惶擾。三郎兵

衛欲入城。援兵欲還大垣。兩陣皆亂。長勝壽昌涉川。追擊三

郎兵衛之陣。獲五十餘級。三郎兵衛僅免入城。終不能守。棄

城走。長勝入守之。以塞大阪大垣之路。屢捕齎密書者。送之

清洲。神祖褒其功。家忠日記。係二十四日。今從關原記。大全。關原合戰誌。石卯餘史。○合戰誌。餘史。並

云三郎兵衛出奔大垣。大全云不敵將高木八郎兵衛。關原合戰

誌石卯餘史作十左衛門。今從大全蓋更稱也。據美濃高須城。高須或作高巢。高洲國音相通。福

島正則率二百餘兵發清洲。至今尾德永法印壽昌來會。正

則稱長勝壽昌福束之功。使圖高須。壽昌以僧為使諭禍福。

八郎兵衛憚原隱岐守屯大田。不欲乞降。陰約放銃不用鉛

彈。假為攻守之勢。然後授城。壽昌諾。十九日與正則之援兵

進攻城。壽昌慮謀泄。不告其狀於士卒。但云從我指麾。士卒

爭進。橫井作左衛門先登。壽昌之兵河村所右衛門與城兵

川瀨平左衛門接槍。獲其首。德永左衛門與城兵寺澤孫左

衛門接槍。孫左衛門重創而退。士卒相繼放銃。揮槍。壽昌遽

止之。不聽。壽昌不得已。揮麾進兵。德永掃部稻葉外記等頻

進。欲毀堞壁。八郎兵衛怒謂壽昌。給我開門。橫槊而出。城兵

殊死鬪。我兵敗走。壽昌厲聲還鬪。德永掃部與高木權六接

槍。河村所右衛門與城將八郎兵衛接槍。稻葉外記奮擊却

敵。我兵重沓。八郎兵衛力屈入城市。橋長勝來自今尾。勸正

則退兵。正則怒謂壽昌曰。凡攻城者。善察形勢。然後進兵。奈

何。輕舉多損士卒。乃斂軍而退。八郎兵衛以無後援。出城去。

壽昌置兵戍之。神祖賞其功。亂平。賜高須城。關原記大全關原合戰誌石卯

餘史關原記關原軍記。○大全曰關原戰後。八郎兵衛至出雲。依堀尾吉晴。其後病死。是日長束正家

率兵一千三百發水口城。將攻安濃津城。恃毛利秀元大軍

後繼進屯東正山。諸書作當世山。今從關原軍記。其夜富田知治分城兵二

千五百為二隊。掩擊正家之營。正家敗走。知治乘勝追擊。至

鷹尾葛原。奪所遺東正山旗幟帷幕而還。關原記。犬山城岐

阜之保郭而為樞要之地。織田秀信與石田三成議遣稻葉

右京亮貞通。一鐵子、兵庫頭重通兄。其子彦六郎典通。叙從五位下、至從四位下侍從。

加藤左衛門佐竹中丹後守重門。半兵衛重治子。田丸中務少輔具

直。伊勢國司源具教之族。右中將具忠子。關長門守一政等援之。一政安藝守盛信子、初領

龜山三萬石、後降神祖、領伯耆黑阪三萬石。石河光吉在牙城。援軍在第三城。福

島正則德永壽昌相議。城甚險固。攻之必多損兵。遣謀入城。

縱反間。城將疑懼。其心不一。重門一政左衛門佐密謀歸順。

納款于井伊直政。本多忠勝二人許之。神祖以村越直吉為

使。賜書征西諸將。二十日直吉至清洲。直政忠勝先問使命。

直吉曰。諸將在清洲。未嘗與敵一戰。故詰問其故。直政忠勝

曰。諸將素與三成有怨隙。欲待駕至而速擊之。今甚遲緩。諸

將皆訝。而以實告。則必大失望。但當慰勞之。慎勿以實告。直

吉諾。及會諸將。直吉幡然以為吾非智勇過人者。而命此使。

蓋為能直言其事也。今從軍監之言而易其言。非吾本志。輒

見諸將將命曰。諸將在軍旅。誠為勞勩。今吾進旗。無所懈弛。

但患風疾。故爾濡滯。直政忠勝聞之。蹙頰。諸將皆默。頃之加

藤嘉明進曰。吾輩愚將。不思及之。宜閣下之不進馬也。福島

正則問曰。子意何如。嘉明曰。石田三成外假言於擁戴嗣君。

而內實逞其姦謀。吾曹皆蒙太閤之恩。今不出力拔敵城寨。

以見其效。則內府之疑終不釋矣。關原合戰誌。石卯餘史。慶元記。並曰。直吉將命曰。諸

將在軍旅。誠為勞勩。然未聞攻一城破一壘。以著不與三成之實。赤心無貳。則當攻岐阜。犬山二城之一。以著功效。然則

速進義旗。兵若不利。即日馳救之。關原記。大全辨之曰。諸書皆同此說。然時人以嘉明之語為名言之一。相傳神祖至岡

山。執嘉明之手謝之。以此一言也。若諸書之說。則不可謂之名言。今按神祖引而不發。使人思而自得之。溫潤含蓄。入人

肌髓深矣。如諸書之說。則機鋒全露。索然無意味。大全之說是也。故從之。又按德川記。合戰誌。餘史。並曰。正則發言。嘉明

和之。今從家忠日記。關原記。大全松榮紀事。正則拊掌曰。典廐之言誠然。宜亟決

進取之計。諸將皆曰。唯命是從。直政忠勝始安。乃謀攻敵城。

正則曰。西兵多在岐阜。今我聲言攻犬山。則敵必救之。而我

直進攻岐阜。則取之不難。岐阜既陷。則犬山可不攻而自破

矣。諸將皆從其議。細川家傳錄曰。初神祖在小山營。命忠興

據桑名城。歷伊賀路。進至大阪。至是諸將欲攻桑名城。忠興曰。如桑名城。據守要害。不可輒拔。且大垣之兵。擊吾軍後。則

取敗必矣。宜先擊岐阜。下之。直政以為可。諸將亦從之。而諸書無此事。皆云。正則建議。攻岐阜。唯松榮紀事。以攻岐阜為

忠興之策。今從家忠日記。關原記。大全石卯餘史。慶元記。關原合戰誌。二十一日。諸將又會議。

岐阜城帶木曾川為要害。河有三渡。上曰合渡。下曰尾越。諸

書合渡。或作河田。河戶。鄉渡。江渡。國音相通。神祖賜堀親良書。及創業記。作幸田。關原記。大全曰。二川合流。故曰合渡。今

從之。尾越。或作小越。又作起。或作騰。亦相通。中曰笠町渡。此往來所由也。敵必扼

之。宜從上下渡口進兵。石卯餘史。尾越。萩原。皆可乘舟出于竹鼻。

正則謂直政忠勝曰。我為前鋒。明日須涉上流合渡。直政忠

勝曰。足下固為前鋒。誰敢爭之。然輝政在佗州。舟路不便。足下州將也。熟於水路。宜辦船筏以渡下流。正則服其言。直政忠勝分諸將為二軍。以正則為正軍大將。其子正之。細川忠興。其子忠隆。興秋。弟興元。加藤嘉明。黑田長政。京極高知。藤堂高虎。田中吉政。其子長顯等。一萬六千七百三十餘人從之。為前驅。渡尾越。以池田輝政為北方大將。其子利隆。弟長吉。堀尾忠氏。有馬豐氏。山内一豐。一柳直盛。淺野幸長。中村一榮等。一萬八千二百五十餘人從之。為後拒。渡合渡。關原記大

全關原合戰誌。關原軍記。○細川忠興事記曰。池田輝政。一柳直盛。涉光明寺渡。豈光明寺即在合渡乎。輝政不喜曰。不向追手而向搦手。甚非所望也。直政忠勝曰。足下與

閣下翁婿。宜以為國謀利為先。豈可較輕重。爭先後。而發此壯年勇銳之言哉。輝政從之。正則又謂直政忠勝曰。下流敵兵在近。見輝政進兵。則敵必接戰。搦手之戰。先於追手。則吾輩之恥也。宜固制之。直政忠勝諭輝政固其約。乃定方略曰。岐阜城地勢險固。大軍從山麓齊攻。則進退必難。正則忠興高知嘉明四將。宜從追手七曲口上攻。輝政宜攻搦手百曲口。幸長直盛攻瑞龍寺山寨。長政吉政高虎備大坂援軍。一豐豐氏一榮備犬山城。其餘諸將隨其形勢以決機。○關原記大全

曰。此時嘉明謂眾曰。城兵必出拒之。直政曰。必不能出。二人忿爭。果如嘉明之言。世人以為嘉明名言之二。岐阜中納言秀信集將佐。問拒守之計。木造壹忠曰。東軍眾多出

戰則必不利。不如堅守。秀信曰：敵雖大軍，未及一戰而徒城守，則似畏敵。前有大河，臨流決戰，則破之必矣。百百安行曰：自古恃山河之固，取敗者多矣。東兵善騎，恐為所乘，宜去河三町，橫設虎落，列銃手一千，出六百銃於河岸，挫敵銳氣。四百銃在虎落中，乘其披靡，左右奮擊，則必得勝矣。關原記大諸書不見施越前之策，豈東軍渡河甚速，不暇施其方略歟？未詳。今據石卯餘史，越前之策，非不施行，但東軍不顧死傷而進耳。是日，壹忠率兵三千五百發岐阜陣于米野。其夜初更，東軍發清洲，臨木曾川東南之岸而陣。四更，輝政發兵，一柳直盛領尾州黑田邑，素諳地利，故不欲使他人先渡。頗有忿言，諸將和解之。使輝政先鋒伊木清兵衛忠重先渡。直盛

次之。關原記大全二十一日黎明，正則下令諸軍將攻犬山。敵謀

聞之，走告犬山守將石河光吉，乞援岐阜。秀信遣稻葉貞通

其子典通等援之。城兵頗減，果如正則所料。關原合戰誌，一

柳直盛率部兵先衆渡下流，堀尾忠氏相踵而渡。輝政幸長

直政忠勝絕流而進。關原記大全，關原合戰誌，石卯餘史百百安行率三千餘

騎陣于新加納，連發數百銃拒之。東軍雖死傷頗多，而一無

所顧。家忠日記，石卯餘史忠氏之兵山田多門兵衛獲級第一。直盛麾

衆直進，其兵大塚權大夫勇力兼人，斬敵兵津田善兵衛津

田忠左衛門二人，獲其級。與敵隊將飯沼小勘平鬪死。池田

長吉手斬小勘平。自卯至辰，兩軍大戰，敵兵敗走。關原記大

戰誌石輝政之兵斬藤田權左衛門。家忠日記。監使兼松正吉與

津田藤三郎元房接槍河中。流駛不能決。元房引去。與其父

藤右衛門元綱為殿。元綱二郎左衛門元定子。諸書作藤左衛門或藤兵衛。今從關原記大全及津

田系圖。初事羽柴秀勝。秀勝卒。事秀信。後事池田輝政。更稱筑後。堀尾忠氏之兵。進邀前路。

元綱父子。力戰被創。僅免入岐阜城。關原記大全。關原合戰誌。石卯餘史。○津田系

圖曰。秀信先鋒木造兵庫。百百越前。入江左近。武市善兵衛等。接敵屢戰。秀信遣元綱及男元房視之。父子承命未到。而

我軍敗績。父子指麾。敗軍離群為殿。附以備攻。秀信將一千七百餘兵。陣于川手邑

閻魔堂。前軍馳使告戰敗。秀信引兵還。輝政長吉直盛忠氏

幸長等。進兵合擊。敵軍不能支。終潰走。我兵追擊可二里。凡

獲七百餘級。關原合戰誌作二百二十七級。敵將木造壹忠。今從家忠日記及關原記大全。

百百安行。飯沼十左衛門等數還戰。日將晡。諸將斂軍還。其

夜屯芋島新加納。關原記大全。城兵出陣於布施屋。見我兵破新

加納。乘勝而進。不能交鋒。引退入城。家忠日記。慶元記。關原合戰誌。石卯餘史。關原

軍記。松榮紀事。福島正則與細川忠興。京極高知。加藤嘉明。至尾越

渡。欲先攻竹鼻城。秀信使毛利掃部。花村半右衛門。梶川三

十郎。援竹鼻。設柵河西。列銃嚴備。諸將從下流加賀井村。以

筏渡兵。將邀其後。援軍見之。棄柵入守第三城。我兵急攻之。

福島正之破街口。掃部半右衛門三十郎力屈出降。關原記大全載

一說曰。或云三人脫去。還岐阜城。今從正文。城主杉浦五左衛門。關原記大全作

從關原合戰誌。石卯餘史。據牙城拒戰。我兵進自四面攻拔之。五左衛門

火城自殺。關原記大全關原合戰誌石卯餘史諸將進陣于多羅尾堤。○或作

國音相通。及昏輝政新加納之捷報至曰。今日戰疲。休於岐阜山

下。將以明日屠城。正則大怒曰。彼為搦手。我為追手。則其所

為專恣。我以輝政為敵。不可不擊之。細川忠興諫曰。輝政之

言。亦非無理。彼盡力渡川而既逼城。則何束手。俟前鋒之至

哉。况吾曹與彼相距五里乎。不如夜半出兵赴之。若輝政先

我攻城。則直至大垣。擊三成而決生死矣。渡河拔城。輝政兩

得。則吾曹無復面目見人。正則然之。關原合戰誌曰。加藤嘉

傳錄。其夜二更。諸將蓐食。至岐阜城下桑木原。二十三日昧爽。

諸軍皆至。正則遣使輝政之陣曰。子何負約而昨日先與敵

戰乎。今又何為馳至。子若攻城。則與子決戰。以報其怨。輝政

不爭曰。固欲見烽進兵。而敵陣于河上。連發鳥銃。勢不得已。

渡水接戰。今日之事。子攻追手。吾攻搦手。如前約矣。正則意

解。乃定軍列。關原合戰誌曰。正則單騎來覓輝政。輝政在後

利隆年幼未對。伯父次兵衛代之對曰。云云。今從關原記大

全。○細川家傳錄曰。輝政馳至爭先。忠興及加藤嘉明諭曰。

前鋒在。正則則非。佗軍之所爭也。於是正則及細川忠興京

極高知。加藤嘉明攻岐阜外郭。淺野幸長一柳直盛攻瑞龍

寺寨。先是秀信築寨瑞龍寺稻葉山。以拒東軍。石田三成遣

檉原彦右衛門。川瀨左馬助援之。幸長分五千餘人為三隊。

使其宰淺野左衛門。淺野右近各將一千五百人為先鋒。自

將二千餘人。登自西南攻之。先鋒逼寨。彦右衛門及弟彌助。放矢石拒之。彌助出寨。衝左軍淺野右近之陣。右軍淺野左衛門將橫擊之。彦右衛門出衝左衛門之陣。先鋒三千人。為檜原兄弟六百人所破。崩潰一町餘。幸長厲眾大喊。進自山麓。先鋒乘勢。整陣力戰。敵兵退入城中。闔篁戶。林水右衛門攀篁戶。拔刀截斷戶繩。與敵兵相搏。終獲其級。於是幸長及一柳直盛之兵。進入城中。城兵戰敗。彦右衛門提槍奮鬪。幸長之兵杉澤源之丞與之鬪。獲其首。彌助亦戰死。關原記大

一說曰。幸長醜。檜原兄弟之首。傳之。江戶。神祖入大阪。梟之於粟田口。川瀨左馬助走入岐阜城。井伊直政攻稻葉山寨。拔之。二寨皆破。德川記。關原合戰誌。石卯餘史。松榮

紀事諸將進攻岐阜外郭。正則猶慮輝政奪功。縱火焚市。鄺以

塞其來路。輝政怒。然其父勝入嘗為犬山城主。故能諳地形。

進自岐阜山後長柄川。取水路。直向牙城。松榮紀事曰。正則

後放火。誤矣。今從家忠日記。慶元記。關原合戰誌。石卯餘史。城將津田元房守京町口。見

諸口守兵皆退。縱火街口。引入城下。欲拒東兵。瑞龍寺敗兵。

來奔重沓。城兵頗騷擾。細川忠興見機進兵。其弟興元厲眾

競進。沼田小兵衛後更稱長岡勘解由為第一槍。其餘忠興之兵血戰

著功。城兵戰敗。退守七曲口。津田元房馳馬指揮士卒。興元

之兵澤田次郎助與之相搏。不勝。元房斬之。使從兵提其首。

亦退於七曲。正則之兵梶田新助與敵五人接槍。擊殺一人。

取其首。福島伯耆力戰有功。大橋淺右衛門與木造壹忠接槍被創而退。城兵本間五郎八齋力邁入。揮眉尖刀。殺傷東兵七八人。嘉明之兵守岡半三郎年甫十六。與之相搏。刺殺之。終獲其級。壹忠督衆拒戰。正則忠與嘉明三將。竝騎督戰。阪曲至武藤砦。城兵再還鬪。我兵少却。京極高知登自荒神洞。橫擊攻之。敵兵棄阪曲之險。引入城中。忠興之兵澤村才八吉重。後稱大學自呼姓名。與城兵中島傳左衛門。齊藤一左衛門。伴吉右衛門。接槍相爭。一左衛門傷而退。吉重被創七。幾危。舍槍進與傳左衛門相搏。墮岸下。吉右衛門投槍縱之。誤中傳左衛門之脅。吉重終取其首。忠興長子忠隆逼正門之

右。指揮督戰。其兵米田興七郎年十五。後稱長岡監物先登摩壘。松

井民部。佐渡子。後稱長岡佐渡。戰于正門被創。正則之兵吉村又右衛

門。攀城門登櫓。遠山長右衛門。後仕麾下。更稱大道寺內藏。杉原自間。相

繼而登。出認旗。招我兵。長尾隼人超入城中。開第三城門。忠

興嘉明高知之兵。攻破第二第三城。城兵不能支。退入牙城。

關原合戰誌。石卯餘史。慶元記。互有異同。今從關原記大全。本多忠勝亦率兵來會。我兵

奮擊。斬城將飯沼十左衛門等三百餘人。山内一豐自淨土

寺口。一柳直盛爲瓜生口先登。皆入逼牙城。關原合戰誌。石卯餘史。慶元記。

津田元房健鬪拒之。力屈欲退入門。門闔不能入。左右曰。彼

有戶。可拔幟而入。元房曰。勇士死而不喪幟。津田傳右衛門

陰穿城壁曰。彼有竇。元房曰。義士不竇。志操彌堅。秀信見事急。使人開門納之。我兵蝟集。發銃中元房之脅。病創不能出。

關原合戰誌石卯餘史並曰。細川忠興之兵富田八大夫與津田藤三郎接槍。眾競集。遂擒之。今從津田系圖。正則

先衆將入城。輝政進自朝日口。投旗城中。高呼曰。一番乘諸

軍相繼競進。關原合戰誌石卯餘史慶元記。木造壹忠就正則之兵澤井左

衛門森勘解由。為秀信乞降。正則許之。秀信將自殺。正則固

止之。奧州軍記曰。城陷。秀信將自殺。輝政止之。關原合戰誌石卯餘史慶元記。關原軍記並云。木造左衛門佐乞和。

德川記合戰誌慶長一統記曰。澤井左衛門森勘解由成和議。今從之。○松榮紀事曰。正則執秀信。創業記亦云。岐阜中

納言被虜。關原記大全但云。城兵乞降。及無秀信將自殺。正則執之等事。蓋秀信既降。其狀與囚虜等。故二書云然耳。

正則欲入取城。輝政怒曰。先入城者我也。取城拘秀信。非我

而誰。正則不聽。兩將相爭將鬪。直政忠勝諭輝政曰。大敵在

前。今以私忿相爭。非忠也。輝政從之。乃使兩將之兵戍城。輝

政幽秀信於上加納邑。諸將飛檄告捷江戶。家忠日記。關原

戰誌。石卯餘史。慶長一統記。松榮紀事。○大全合戰誌。餘史並云。秀信移自上加納。居尾州智多郡。十月入高野山。明年

卒。又按合戰誌曰。秀信在加納道場落髮。謂其臣和田孫大

夫曰。汝須往大阪。取我妻子而還。孫大夫至大阪。取秀信之

妻及二歲男子。將東歸。中路事覺。追兵逼之。孫大夫殺秀信

之妻而自盡。使弟大藏抱嬰兒逃去。大藏得歸。撫育嬰兒。明

年三歲。而天信長之嫡統遂絕。餘史曰。秀信使其臣和田大

藏潛將母妻及二歲女子出城。母妻疲不能行。遙見城陷。交

刃而死。幼女僅得免。既而秀信出降。母妻既死。時人悲之。二說未知孰是。附以備考。正則稱木造壹忠

盡忠於秀信。名爲己臣。輝政亦稱津田元房之驍勇。同父元

綱。名爲己臣。關原記大全。本書曰。亂平。正則封于安藝。名壹

忠於廣島。與其宰福島丹波小關石見。並給二

萬石、壹忠避與正則同稱、更稱大膳

臣按將帥爭功。忿戾狠鬪者。自古多矣。晉之王渾。王濬。宋之沈田子。王鎮惡。隋之韓擒虎。賀若弼。是已。渾將攻濬。田子殺鎮惡。若弼至相詬挺刃。亦已甚矣。然提鼓搃金。制三軍之死命。自非有蘭相如馮異之德量。則鮮能謙遜讓功矣。福島正則。池田輝政。爭岐阜之功。幾至交鋒。苟非井伊直政。本多忠勝之正言曉譬。則田子鎮惡之禍。殆將起於當時。兩雄俱斃。而敵乘其弊矣。由是觀之。神祖以二人為軍監。豈啻料敵制勝而已哉。亦欲調停諸將。而師克在和也。

石田三成聞岐阜圍急。使前鋒舞兵庫。杉江勘兵衛。森九兵

衛。諸書或作九郎兵衛。今從關原記大全。將兵三千救之。陣于合渡堤。三成及

島津惟新屯呂久河上。小西行長。福原直孝為後拒。創業記。關原記。

大全。關原合戰誌。石卯餘史。黑田長政。藤堂高虎。田中吉政。生駒一正。相

謂曰。福島池田攻岐阜。拔之。吾輩道路迂遠。不會戰期。頗為

遺憾。擊破此敵。吾輩之任也。進至合渡。迎擊之。吉政與其兵

纔二十一騎。自茱萸原截流而渡。○關原記大全曰。吉政臨河。岸謂其牽夫三郎右衛

門曰。汝善泗。則宜測淺深。三郎右衛門辭之。吉政怒。揮眉尖

刀曰。不渡則斬。汝三郎右衛門不驚曰。臣若溺死。則恐損兵

氣。故辭測之。何難之有。即入河。水及兩乳。吉政見之。遂渡。賞其功。授氏曰。合渡三郎右衛門。給三百石。以為士流。大全一

說。合戰誌。餘史。勇士一言集。各有異同。今據大全正文。附于此。長政憤其後於吉政。欲取徑

路先戰直渡上流藤内瀨其臣黑田三左衛門一成後稱美作

號睡鴨中流高呼曰黑田甲斐守今日先登長政進擊兵庫之

陣勘兵衛九兵衛及隊將村山理介渡邊新之助等督兵拒

之長政電擊手斬新之助一成斬理介從兵各厲戰斬一百

二十級關原記大全關原合戰誌石卯餘史吉政雖先渡河

而與敵遼隔傍合渡堤馳下高虎涉下流相與奮擊敵猶拒

戰生駒一止寺澤廣高戸川達安桑山元晴等渡河競進兵

庫知其不可敵麾兵而退杉江勘兵衛以勇力稱數還鬪吉

政之兵西村五右衛門先臣佐佐宗淳曰諸書或作迂勘兵

五右衛門與之接槍勘兵衛戰疲而傷吉政近習松原善左

衛門獲其級關原記大全關原合戰誌石卯餘史並云五右

衛門以槍縱勘兵衛斃之善左衛門年十八初

莅陣進將取首五右衛門叱之吉政馳馬而過見之曰汝屢

著戰功善左衛門初獲首級宜讓其功五右衛門不能爭竟

為善左衛門之功森九兵衛僅免走歸長政吉政高虎追擊敗兵至

呂久河上以休士馬惟新馳使三成之陣曰先鋒雖失利而

我與足下整陣橫擊則必得勝矣三成不可曰東兵競進想

岐阜城必陷矣今不能援岐阜而戰于此地則敵兵乘勝其

鋒難當不如退軍以圖後舉乃率兵庫九兵衛等敗兵還大

垣城惟新不得已引兵入城敵人皆咎三成之失機關原記

原合戰誌石卯餘史○大全曰合渡之戰黑田長政之兵神

吉小助接槍第一敵可十人攢槍刺之小助被十餘創然不

甚重昇至長政前小助以為與我爭前後者唯主人長政一

人乃睨視長政厲聲曰今日之戰可無一人先我者長政曰

然傷者不可屬聲損氣使人扶之浴于有馬溫泉創愈而還
 長政厚賞之又曰長政追擊舞兵庫人馬誤墮塹中水甚深
 鑿鑿上水牛假角纔見其兵堀平右衛門林五助馳至救出
 之平右衛門使長政乘已馬奪五助之馬騎之與長政逐敵
 五助牽出長政之馬於塹中藤堂玄蕃良政關原合戰誌石
 騎之亦同逐敵竝附備攷而厚遇之高虎從東征自大阪寄書良政付託留寄之任良
 政不聽高虎強之再三良政不應至是誓決戰死以遂其志先諸將至赤阪驛諭告居人
 皆安堵毀三戶以焚之為放火之徵諸將繼至便於屯軍皆
 喜高虎賞其功手授唐冠首鎧長松城主武光式部聞合渡
 之戰東兵大捷懼為所襲棄城奔桑名依氏家行廣梶村之
 戰式部不能援丸毛三郎兵衛今又不見敵而走人皆笑其
 怯關原記大全關原
 合戰誌石卯餘史諸將進入赤阪驛屯虛空藏山距大垣

五十餘町自是日至九月十四日兩軍相持家忠日記慶元
 記關原合戰誌

石卯餘史關原記○合戰誌曰石田三成乘福島正則在赤
 阪欲襲取清洲城與增田長盛議長盛曰織田常真尾州舊
 主也以其養於國司具教伊勢亦其故國也今以常真為將
 使徇伊勢則舊臣竄伏山谷者爭出赴之率之以攻清洲則
 可得志三成然之以佐久間不干齋為使說之常真從之時
 大野宰相歸款神祖在北國常真遣使告之宰相大驚遣其
 臣村瀨左馬助重治諫止之常真不果行按大野宰相常真
 子秀雄也黨于三成軍於關原亂平神祖特赦其罪放之而
 云歸款神祖疑非事實且他書所不載故不取先是備前中納言宇喜多秀家將兵
 一萬五千餘騎屯大田與大垣相距七里聞東軍屯赤阪引
 兵入大垣城與石田三成合三成大喜先遣使犒之秀家謂
 其使曰制勝在勞逸今日岐阜合渡之戰敵兵甚疲今夜劫
 寨必得奇捷三成聞之又遣使曰公策誠善然軍事不可倉

猝須與島津小西等議決之。秀家怒曰。兵貴疾速。不在多議。今與諸將會議。必失事機。子不欲出。則吾當孤軍決戰。三成乃抵秀家營。曰。島津小西等諸將。老於軍事。皆謂夜戰最難。且地勢沮洳。進退甚艱。秀元以下諸將。自勢州還軍來會。輝元出軍。亦皆在近。須待大軍來集。然後決勝一舉。秀家曰。輝元出軍。則內府亦出力。敵勢鈞。孰知勝負。然島津老將。吾曹後生晚輩。不可不從其言。他日子勿悔焉。遂寢。關原記大全。石卯餘史。○大全曰。宇喜多左京戶川肥後。從諸將征西。聞秀家在大垣。遣使勸歸順。至於再。秀家固拒之。或論宇喜多四臣叛去。曰。秀家視臣如土芥。寇讐之報。不亦宜乎。撰大全者。宮腰秀興辨此事。曰。左京肥後。頻勸歸順。非出於誠心。何則。征西諸將臨發。神祖面諭曰。諸軍至清洲。則廣設方略。使敵將歸。正其功。倍於攻戰。二人聞此命。專為功利。縱誠心為。

秀家此小補也。去年與岡豐前花房志摩。結黨叛秀家。終使秀家失八萬石之兵馬。此大罪也。焉得憤哉。此論頗確。故附于此。按宇喜多左京。是時改稱阪崎。出羽守。今從本書。舉其舊稱。伊賀上野城主筒井定次

在小山營。長束正家將兵攻上野城。定次處守之。臣畏正家多兵。不能拒戰。授城而去。定次聞之大怒。然無如之何。率從

兵與諸將營於赤阪。家忠日記。德川記。關原記。大。全。關原合戰誌。石卯餘史。二十四日。

世子發宇都宮。家忠日記。慶長記。德川記。慶元記。並曰。發江戶。按世子未嘗還江戶。諸書誤矣。今從創業

記。松榮紀事。○關原記。大全曰。中根大隅守入道宗間。近年猶存。自言面見神祖。秀忠公同時發江戶。然世子是日實出宇都宮。二十八日至上州松枝。蓋宗間見九月朔所從世子諸將發江戶云然耳。由東山道赴美濃。

參河守秀康出送之。互立馬路上。密語而別。關原記。大。全。榊原康

政。酒井忠勝。左衛門尉。家次長。子。後任宮內大輔。本多忠政。本多康重。大久保

忠鄰。其子忠常。叔父忠佐。本多正信。酒井重忠。其子忠世。弟

酒井忠利。其子與七郎忠勝。後任讚岐守。為猷廟嚴廟元老。致仕號空印。按當時酒井氏有

二忠勝其一見上。森忠政。諏訪賴水。小笠原秀政。小笠原信之。仙石

秀久。真田信幸。日根野高吉。石川康長等從之。總三萬八百

餘人。創業記。家忠日記。慶元記。關原合戰誌。石卯餘史。松榮紀事。諸書作三萬八千七十餘人。家忠日記七十作七

百。今從關原合戰誌。毛利秀元。吉川廣家。長束正家。長曾我部盛親。安

國寺惠瓊等。率三萬餘兵。屯東正山。自二十二日攻安濃津

城。富田知治率見兵二千五百人守城東。關原合戰誌。石卯餘史。竝云。一千六

百人。今從關原記大全。分部光嘉守乙部口。松阪城主古田重恒。遣小

瀨四郎右衛門林總右衛門等援之。守巖田口。相與拒戰。城

西北有西來寺。伽藍頗大。二十四日。城兵相議。敵登之。俯窺

城中。則難防禦。是日縱火焚之。北風猛烈。延及街市。敵將穴

戶備中守乘勢急攻。光嘉揮槍力戰。殺敵數人。與備中守接

槍。傷其左脅。光嘉亦被創而退。敵兵急追之。光嘉踞胡麻。將

自殺。知治之宰本多志摩馳至。勸光嘉曰。與其徒死。不如入

城固守。力盡則死。死未晚也。光嘉從之。關原記大全。關原合戰誌。石卯餘史。○四

家合考曰。分部左京亮狀貌魁偉。膂力過人。信濃守恐其有異圖。使之出守城南街市。敵攻外郭。左京亮出鬪。却敵七次。

附以備考。敵攻破南門。奪第三城。將入第二城。城兵苦戰却之。上

田吉之丞重時健鬪奮勇。先臣佐佐宗淳曰。吉之丞馬藝冠。天下初仕關白秀次。中仕知治。後

仕蜂須賀至鎮。相傳重時祖父但馬守重秀。父丹波守重國。並以善騎著名於世。敵兵敗走。秀元怒。

督衆競進。知治開門而出。士皆殊死戰。敵兵披靡。時有被華

鎧者。來在知治之側。即其妻也。宇喜多安心之女。阪崎出羽守孝親之妹。聞知治

戰死。出欲共死。本多志摩諫知治。如勸光嘉。知治從之。與其

妻退入牙城。志摩與光嘉之宰右馬助捍敵。二人力戰死之。

城兵死者五百八十人。敵兵戰疲。立木柵。列竹牌。期以明日

取牙城。家忠日記德川記作二十六日。關原記大全二十三

高野山僧興山來講和。興山世稱木食上人。知治不聽。興山曉譬再三。

知治從之。與光嘉出城。知治入一身田專修寺。薙染。後入高

野山。秀元使瀧川豐前守正弘。時田權之助。中江式部少輔

景繼。山崎右京亮。川口久助。成城。松阪援兵。各有戰功。及歸。

古田重恒隨其輕重賞之。家忠日記德川記慶元記關原記

紀事敵將秀元率廣家正家等。向美濃路。屯大垣之西南宮山

栗原山。關原記大全松榮紀事。○毛利家記曰。秀元自伊勢

古田重恒以為敵將拔安濃津城。則必來攻松阪城。調兵七

百餘人。定號令。嚴守備。以待之。秀元正家使鍋島勝茂攻松

阪城。勝茂將赴松阪。宇喜多秀家。石田三成。自大垣差急步

報曰。東兵拔岐阜城。諸將須亟來會。故勝茂不攻松阪城。引

兵至大垣。關原記大全。○關原合戰誌石卯餘史並曰。勝茂

帶大河。不得輒攻。勝茂以其父直茂密通款于神祖。幸其險

要。故緩攻擊。自八月二十一日相持。至九月中旬。聞關原戰

敗。遂引兵去。據大全。九月十五日。勝茂與敵諸將出陣于關原。未嘗攻松阪城也。故不取。先是小出播磨

守秀政。五郎左衛門政重子片桐旦元相議。召中江景繼。川口久助於

大阪城中。謂曰。秀賴公幼穉。與關東構難。絕所不知。然內府

之心。不可忖度。宜急赴關東。備陳此意。二人出大阪往關東。

增田長盛。長束正家。以書止之。曰。宜屬安藝宰相秀元。以攻

安濃津城。二人以為不可。然不赴戰場。而使于關東。恐有避

戰之譏。故回馬赴伊勢路。神祖聞二人奉使而來。大喜。既而

聞攻安濃津城不懌。亂平。二人遁於高野山。神祖使伊達政

宗拘之。後聞攻城非二人之意。釋之。關原記大全。本書曰。神祖欲召二人。隸麾下。式

部少輔不從命。流寓京師。寬永中病死。而不書久助之事。蓋仕麾下也。豐臣秀秋雖遣使通款。

而神祖猶未之信。及黑田長政至赤阪。遣使平岡賴勝之營。

請交質。秀秋許之。以賴勝弟出羽為質。長政以其臣二人為

質。固定盟約。初吉川廣家與福原越後定計。據毛利家記勸毛利

秀元歸順。秀元拒之。曰。吾不能棄幼弱嗣君。而屬關東。且無

大人之命。安敢肆其所為哉。廣家曰。諸將蒙太閤之恩。眷者

皆屬內府。西軍敗亡。可翹足而待矣。不如速豎降旗。拯輝元

卿之危難。以保宗國。孝莫大焉。秀元從之。廣家貽書長政。密

告之。長政報曰。今送款內府。須臨陣誘諸將來降。不然則反

擊敵軍。以明歸順之志。秀元曰。長束安國寺長曾我部等。皆

我麾下。而非可與叛去者。擊之情所不忍。但當堅陣勿動。以

為送款之徵耳。廣家輒以福原左近。粟屋十郎兵衛為質。亦

定其約。關原記大全、左近輝元重臣民部少輔廣俊弟、十郎兵衛廣家重臣、一本德川記抄十郎兵衛作源二郎

今從大全○大全載一說曰、神祖至岡山、吉川廣家福島越後來謁神祖留之、付黑田長政以為質、大全辨之曰、福原左

近出為質、繆為越後、關原之戰、廣家在南宮、二十六日、池田山、堅陣不動、而謂神祖留之誤矣、附以備考

輝政岐阜捷書至。先是神祖以安藤巖之助正次為使。正次治右

衛門定次子、後襲稱治右衛門勞問諸將。按行戰場。是日歸報。岐阜城陷。合

渡戰勝。神祖問敵屍向何方。對曰。西向大垣。神祖審知諸將

追擊之功。家忠日記、石卯餘史、鷲峯文集、安藤正次碑、竝云、神祖卜其敗兆、今從關原記大全井伊直

政本多忠勝定議。使一柳直盛守長松城。相約大垣敵兵攻

城。則使諸將援之。長松城距赤坂營頗遠。去大垣城甚近。直

盛寡兵善守。遣人采邑黑田。齋亡兄伊豆守直末旌旗數十

旒。建城四面。佯為多兵。以誑敵。屢捕大垣間諜。送赤阪營。家忠

日記、關原合戰誌、石卯餘史、一柳家譜石田三成與福原直孝定謀。遣謀四人。

行火長松城。直盛覺之。皆捕斬之。關原記岐阜敗兵屯聚清

水邑。井伊直政攻破之。敵兵奔入大垣城。關原合戰誌西尾豐後

守光教。出雲守信光子松下右兵衛佐吉綱。加兵衛綱子成曾根舊壘。敵

將島津惟新陣于樂田。數侵掠之。縱火街街。直政與本多忠

勝議。使水野勝成援之。惟新又襲之。勝成堅守拒之。惟新不

能復攻。直政忠勝以曾根攻大垣之要路。使松平康長助守

之。家忠日記、關原記大全、關原合戰誌、水野系圖、松榮紀事二十七日。神祖賜書池田輝

政及弟長吉。褒岐阜之戰功。關原記二十八日。藤堂高虎使

來諸將捷報相繼至。二十九日。神祖賜書福島正則。淺野幸長。黑田長政。加藤嘉明。細川忠興。堀尾忠氏等。勞其戰功。諭西征在近。又賜書淺野長政。報幸長之戰功。且使長政赴東山道。從世子軍。長政及大野治長。土方雄久。去年被讒廢徙。至是冤枉得雪。又賜書最上義光。伊達政宗。堀親良。告岐阜之捷。家忠日記、關原記大全、關原合戰誌、石卯餘史、松榮紀事使譜第將士分守關東諸城。松平忠利守小美川。忠利辭曰。臣父家忠死於伏見城。臣不能留于此。願從大駕。見父之戰所。神祖曰。汝言雖是。景勝亦勅敵也。小美川形勝之地。汝可堅守拒之。忠利再辭不聽。遂赴小美川。鷲峯文集深溝本、光寺碑、松榮紀事諸將欲破大垣入京師。藤堂

高虎與本多忠勝并伊直政謀曰。宜待大旆之至。諸將僉曰。岐阜已破。賊黨膽寒。乘此畏縮之機。而攻大垣。猶破竹之勢耳。高虎曰。不然。吾輩破敵長驅。若無大軍之後繼。而敵遮其前。又擁其後。則進退必危矣。諸將皆服其議。遂次于赤阪。以待之。高虎行狀、但本書大垣作關原、按此時三成未嘗出軍關原、故訂之

松井甲太郎書

烈祖成績卷之十一終

刻者列名

神田小柳町十三番地

木邨嘉平 十枚

上野東馬門町十番地

木邨嘉平括

富田宗次郎 一枚

本郷金助町早六番地

木邨嘉平弟 同括

田野村錦四郎 一枚

神田鍛冶町四番地

江川八左衛門 六枚

淺草福井町二丁目十三番地

江川八左衛門括

江川鐵五郎 一枚

神田旅籠町二丁目三十三番地

竹口瀧三郎 六枚

吳服町十一番地

宮田六左衛門 六枚

麴町十三丁目十番地

瀧澤簀吉 七枚

137
20
125

--	--	--	--	--	--	--	--	--	--

木邨嘉平括

卷十一

烈祖成績

安積覺編次

卷十二

13
12
11

東 京 圖 書 館

二〇	三五	六八	三	雜史類	和書門
冊	號	架	函		

天
保
書
之
序

Blank page with faint bleed-through text from the reverse side.

Blank page.

烈祖成績卷之十二起慶長五年九月朔終其月晦

安積覺 編次

慶長五年九月朔神祖發江戸城使異父弟松平康元留守

大城石川家成副之武田信吉留守西城松平康直副之石

餘史松榮紀事並云家成定盈賴忠留守西城今從關原合戰誌○合戰誌云松平源七郎康忠後為備後守按松平上野介康忠初稱源七郎然文祿二年卒其子康直襲稱源七郎注于天正十年管沼定盈諏訪賴忠

內藤仁兵衛忠政三左衛門信成弟柴田康忠松平伊昌三浦監物

據德川歷代監物初稱作高木廣正土岐十三郎設樂貞通十郎說見天正十八年

等處守以板倉勝重為町奉行關原合戰誌石卯餘史松榮紀事家成密白

神祖曰今年西方塞願行避方忌之禮然後發駕神祖曰西



方塞則吾伐而闢之何憚之有遂進馬

關原記大全關原合戰誌關原外記松榮

紀事酒井作右衛門

雅樂頭正親弟河內守重忠伯父

村串與三左衛門元龜

三年一言阪之戰村越與三左衛門有戰功村越村串國音相近疑一人也然無所考定今從本書所書為旗奉行

近藤季用

○據諸士傳略是時父秀用為井伊直政所綱不得從軍

大久保忠教為槍

奉行渡邊守綱伊奈圖書成瀨正成安藤直次等十五人為

弓銃隊將米津清右衛門小栗忠政橫田重量初鹿傳右衛

門山本新五左衛門等二十四人為監使下野守忠吉松平

甲斐守忠良

因幡守康元子

松平豐前守勝政

源三郎康俊子

松平右衛門

大夫正綱

大河內金兵衛秀綱子松平甚右衛門正次子養之

松平家清松平家乘松

平家廣酒井家次松平忠明松平康長本多忠政其弟忠朝

松平忠政本多康俊本多正純安藤重信酒井重忠其弟忠

利西尾吉次奧平信昌其子家昌戶田一西其子氏鐵永井

直勝大久保忠佐內藤清成丹羽氏信阿部正次其弟正吉

青山忠成其子忠俊山口直友北條美濃守氏盛

美濃守氏規子菅

沼大膳亮天野康景高木清秀高力清長牧野康成西鄉家

員稻垣長茂土方丹後守雄氏

河內守雄久子

遠山民部大田重政

津輕右京大夫為信大野治長岡江雪等騎從兵合二萬五

千餘人

關原記大全關原合戰誌松榮紀事

初神祖以為福島正則素被太閤

之眷遇且與秀賴為疏屬雖以其有憾於三成一旦屬我而

三成舉事扇動人心託言擁護秀賴則為備前中納言所誘

與敵合謀。亦不可料。正則懷貳。則黑田長政以下諸將。亦未必可保。故雖聞岐阜城陷。發駕而未嘗瞭然。至是正則長政又上書。誓必誅秀家。三成以促駕。神祖大悅。決意西上。關原記大全是夕。至神奈川驛。遣加藤源太郎於岐阜。再賜書於福島正則。池田輝政。藤堂高虎。黑田長政。田中吉政。一柳直盛等。褒岐阜戰功。且諭以須待駕至。不輒出兵。又遣使信州。賜書真田信幸。以告西征。關原記大全。關原合戰誌。松榮紀事。先是神祖部分諸將。戍海道諸城。管沼志摩。守定仍定盈子。初稱新八郎。代中村一學。戍駿府。興國寺二城。內藤信成。在沼津城。代山内一豐。兼戍懸川城。內藤信政。守韭山城。保科正光。代堀尾忠氏。戍濱松城。三

宅康貞。其子越後守康信。代有馬豐氏。戍橫須賀城。本多康

俊。代池田輝政。戍吉田城。本多康俊。松榮紀事作松平左

馬允忠。賴內膳正家。廣子。代田中吉政。戍岡崎城。關原合戰誌曰。松

川北條左衛門大夫。戍岡崎。松平左馬允。戍西尾。今從石卯

餘史。櫻井松平系圖。松榮紀事。據關原記大全。先是北條氏

勝助。守岡崎城。敵將石河光吉。棄犬山城。出奔。故石川康通。

神祖使氏勝。守犬山城。而忠賴獨守岡崎城也。

松平家清。代福島正則。守清洲城。松平家信。小笠原信元。干

賀孫兵衛。戍毛呂崎。備九鬼嘉隆。諏訪賴水。戍高崎城。京極

高知。戍伊奈城。仙石秀久。戍小諸城。日根野織部正吉。明。戍

諏訪城。石川康長。戍松本城。小田原城。大久保忠鄰。所居。刈

屋城。水野勝成。所居也。故不置戍將。松榮紀事曰。水野勝成

是時勝成出在美濃紀事誤矣。郡上城主稻葉貞通其子典

通援石河光吉在犬山城遠藤左馬助慶隆通款關東神祖

賜書嘉之慶隆欲取郡上八幡城以復其舊。○按寬永系圖慶隆東下野守

常緣六世孫小二郎胤直子世為郡上城主曾祖胤緣之兄

盛數冒外家姓更遠藤氏據關原合戰誌石田三成讒之秀

吉公奪城賜稻葉貞通故慶隆怨三成就井伊直政本多忠勝請之直政忠勝

許之金森可重其女婿也故使素玄父子援之。家忠日記金

素玄可重向長龍口福島正則與稻葉貞通有舊正則送書

犬山勸其歸款貞通從之故直政忠勝諭慶隆素玄弭兵二

人答曰今既出師勢不可遏且右京亮父子見在犬山城去

就未可知遂攻八幡城貞通第二子修理亮通孝。稻葉系圖無修理亮

名今據關原記大全其宰稻葉土佐與士卒五百人守城慶隆可重將

取郡上故墟通孝土佐分兵二百人守故墟據險拒之可重

先鋒雖死傷頗多而力戰奪故墟貞通豫鑿空濠於故墟八

幡之間立木柵列鳥銃兵不得進素玄命使之退慶隆陣于

谷口櫻町與素玄父子議遣使城中諭之使降通孝土佐佯

諾以疾貞通來援慶隆退而陣于愛宕山可重陣于瀧山三

日晡時貞通聞報急發犬山冒夜還軍四日黎明進擊慶隆

陣大敗之慶隆奔瀧山依可重貞通竟入八幡城慶隆素玄

又遣使諭之貞通報曰我既送款內府而不意見攻故還救

之。今無內府之命而授城不可。宜出質講和。慶隆素玄許之。

遂與貞通平。取質引兵而還。慶隆告捷關東。以為己功。家忠日記

關原記大全關原合戰是日。世子次信州小諸。關原記大全真田

昌幸既許其長子信幸屬神祖。其勢不得不與之爭戰。故築

砦于小縣郡伊勢崎。使少子信仍居之。數出兵侵掠信幸管

內。互有勝負。關原合戰誌石卯餘史奧州軍記並曰九月五日。世子至漆屋邑使信幸攻伊勢崎砦信幸設

計攻拔之左衛門佐退入上田城按家忠日記古簡雜纂載

九月朔神祖賜信幸書敵攻阪戶則使信幸援之蓋先是信

幸在沼田與信仍接戰而非是日之事關五日。世子遣使上

田城諭昌幸曰。石田三成以邪謀誘諸將。然郡國將士皆傾

心壹志。歸嚮內府。三成所恃。岐阜城既陷。群兇屯聚大垣。今

為誅戮彼輩。內府及吾率數萬兵。二道竝進。斬獲三成。可指

日而定矣。子為三成所誘。纔保孤城。一戰得志。兇徒悉平。則

大藩如上杉佐竹。亦敗亡在近。况如子乎。宜亟改圖以保邦

域。昌幸對曰。今大老奉行舉事。專為嗣君。昌幸奉命敢抗大

軍。臨危變節。固非其志。儻觸盛怒。則請先誅昌幸。以啓戎行。

世子再遣使招諭。昌幸終不從。故世子定議攻上田城。關原

全本多正信不欲攻城。勸世子徑赴美濃。關原合戰誌曰戶

固請攻城正信不聽據關原記大全一西是日。我軍寄宿民

父子從神祖戰于關原見下文故不取舍。神原康政言於世子曰。諸軍經長途皆疲。昌幸長於軍旅。

乘夜來襲。則恐取敗。宜令諸軍戒嚴。世子然之。乃命軍中張

陣然屯火置戍卒其夜真田信仍果率兵出城見我軍整肅

終不能擊引去松榮紀事信仍作昌幸以為世子六日早旦

世子發小諸至漆屋按視敵城昌幸率四五十騎出偵我軍

世子命擊之依田肥前守信守關原記大全作信政今從雜錄肥前守所自記率步

卒五十人連發鳥銃昌幸不戰而去豫與信仍謀伏兵於門

側林中與虛空藏山約我兵來進則佯走以誘我關原記大全曰昌幸

與左衛門佐謀塞神川上流伏兵林中及我兵逼城決上流

河水暴漲後軍不得渡遂巡之間幸村收兵入城而載一說

曰此非是時事天正十三年參河諸將攻上田城時事也一

本德川記抄竝無其事而有昌幸預料峽雲水漲我兵溺死

事見天正十三年蓋諸書載傳牧野康成之子新二郎忠成

聞之說以為二事故今不取襲稱右馬允年少氣銳秉麾厲眾與麾下之士竝進攻城關

後更駿河守今據關原合戰誌伏兵見我兵寡小欲誘致後軍急起接

戰麾下之士戶田半平辻太郎助齋藤久右衛門信吉或作

未知孰是御子神典膳關原記大全曰典膳舊事里見氏長於一

寵遇之餘賜諱字名曰忠明朝倉藤十郎宣政後稱筑後守

後更稱小野二郎右衛門言忠長卿重臣中山照守鎮目一左衛門惟明揮槍力戰世謂之上

田七本槍大田吉政善射射斃數人以鼓士氣關原記大全

衛門而有大田善大夫德川記關原合戰誌無一左衛門而

有久右衛門云一左衛門後來突戰故不入七人之數石卯

餘史有一左衛門而無久右衛門云久右衛門相繼而來亦

有戰功松榮紀事併吉政為八人然失七本槍之義勇士一

言集無久右衛門藤十郎而有山田十大夫與善大夫為七

政等先鋒渡神川橫擊之。神川諸書作神奈川今訂之城兵故敗走。忠鄰

家次之兵追擊逼城。信仍開門而出。縱橫突戰。虛空藏山伏

兵猝起橫擊之。關原記大全載一說曰。虛空藏山之伏兵。昌幸自將。我軍大敗。死傷無

算。後軍欲救之。逡巡之間。信仍收兵入城。管沼忠政向搦手。

其兵朝日千助。後稱丹波奧平左衛門等先登。攻破外郭。世子下

令歛軍。關原合戰誌係七日曰。我軍前鋒少壯之士。出刈禾稼。布獲田野。城兵出擊之。我軍敗走。忠鄰忠成之兵

還鬪。麾下士七人。接槍力戰。敵不能支。入城闔門。石卯餘史無日。亦近此說。今從關原記大全。本多正信大

怒。以為鬪士皆犯軍令。言於世子處法。使大久保忠鄰殺其

旗奉行杉浦總左衛門久勝。七日。久勝自殺。忠鄰得免。關原合戰

誌係九日曰。旗奉行杉浦平大夫。據關原記大全。平大夫久成。久勝長子。今訂之。牧野康成之旗奉

行贅掃部亦處死。忠成與掃部出奔。亦得免。由是忠鄰與正

信不協。康成及戶田半平以至大田吉政八人被謫。成吾妻

砦。後皆召還。關原記大全無正信事。石卯餘史曰。世子大怒。正信救之。按正信與忠鄰相軋。事見十八年。蓋

其原起于此。今從關原合戰誌。松榮紀事。世子又欲攻上田城。恐其後于關原戰

期。與正信及柚原康政議。使森忠政。仙石秀久。石川康長。日

根野高吉。諏訪賴水。備上田城。十日。世子引兵越和田嶺。康

政為前鋒。本多康重為殿。關原合戰誌曰。正信畏昌幸躡其後。不敢由大路。歷間道至長峰邑。

路甚險惡。士卒皆苦。獨康政大言曰。敵若出躡。則以我一軍

擊破之。何難之有。竟由大路而過。昌幸不敢出躡。兵。關原記大

全駁其說曰。諸書或云。世子過間道。非也。既以森忠政等備

上田城。有何戒懼。而枉取間道哉。按康政為魁。康重為殿。康

政不可離群。獨初大友義統在朝鮮。師失律。豐臣秀吉奪封

流于安藝使毛利輝元幽之配其子義延於江戶神祖矜之

賜采邑宅地松榮紀事曰義統流于常陸依佐竹義宣誤矣今從關原記大全石卯餘史而賜采邑宅地據

紀事義延紀事作義乘據大友家譜初名能乘後更義延義能國音相同今從大全家譜石田三成與輝

元議使義統舉兵曰事成則復舊封義統喜還豐後招集士

卒舊臣吉弘嘉兵衛統幸○關原記大全曰統幸大友重臣吉弘鎮信之長子義統奪封寓于

中津立花宗茂統幸之從父弟也故迎至柳川給二千石聞

三成舉兵去抵大阪謁義統曰有何所見輕從輝元卿之命

乎義統曰嗣君幼弱不忍背之且近在配所頗被輝元之眷

遇故與其謀統幸諫曰秀吉公監奪封國終不復其故有何

恩義可報嗣君輝元卿之眷遇誠所不忘然內府遇即君亦

頗懇篤而今大老奉行之舉事非專為嗣君者且內府老謀

智勇世無其比及戰得勝如指掌矣願改圖以為長久之計

義統不聽統幸曰然則臣往關東給事即君以圖興復然又

不忍棄義統竟田原近江守親賢入道紹忍關原記大全作

從義統歸筑紫

鎮次宗像掃部名也今從大友家譜宗像掃部鎮次等來從兵幾四千五百人

關原合戰誌作二千三百餘人石卯餘史六千今從關原記大全細川忠興重臣松井佐渡

康之有吉四郎右衛門立行先臣城所友仙曰佐渡名與長四郎右衛門名與吉今從細川

家傳留守木築城聞義統舉兵豫為守備之計黑田如水專

錄以討鎮西兇徒為任簡閱士衆得九千四百餘人出中津城

屯犬丸原勸豐後高田城主竹中重信使歸正重信稱病使

其子采女正重次從軍采女正名據關原記大全先是如水遣使廣島諭

義統以禍福義統依違答之如水先欲討垣見家純富來城

進陣于赤根嶺松井康之有吉立行差急步告義統來侵如

水使井上九郎右衛門野村一右衛門等將兵三千援之田

原紹忍建議以州之立石爲營立石在石垣原之西南山嶽
秀峙地勢險固義統祖先創基之地也故紹忍勸之其夜義
統屯立石使宗像鎮次都甲兵部等攻木築城破外郭聞如
水遣援軍引兵還中津援軍至木築城下敵兵既退故進攻
立石康之立行率兵三百從之義統與千餘人守立石使吉
弘統幸宗像鎮次都甲兵部等三千五百人陣于石垣原以
拒之距立石可二十町如水先鋒時枝平大夫母里與三兵
衛二軍久野治左衛門德川記作久四兵衛今從關原記大
全關原合戰誌石卯餘史蓋更稱也
曾我部五右衛門池田九郎兵衛黑田安大夫等一千五百
人進與之戰敵兵佯走平大夫與三兵衛逐北敵阻河水還

鬪統幸督兵來前其鋒甚銳平大夫與三兵衛退走戰死者
八十人斬敵僅十二人久野治左衛門時年十九揮槍殺敵
三人而戰死曾我部五右衛門與敵將鎮次相搏交刃而死
康之立行陣于實相寺山南見如水先鋒戰敗引兵直進九
郎兵衛安大夫合隊爲一與都甲兵部之兵鬪奮勇馳突斬
敵將兵部康之立行力戰獲十九級據細川家傳錄吉弘統幸破如
水先鋒兵勢大振暫休士馬義統馳使使退軍統幸對曰不
可使敵乘勢來逼臣今破之矣義統遣銳兵四五百人援之
如水第三軍井上九郎右衛門野村一右衛門後藤太郎助
陣于石垣原北山上引兵而下鎮次兵部之殘兵及義統援

兵合爲一隊拒之。我兵力戰獲級。敵軍先鋒敗走。統幸率後軍逆戰。勢甚猛厲。九郎右衛門之兵少却。左軍野村一右衛門年十九。朝鮮之役。夙著勇名。衝突無前後。藤太郎助相繼而進。敵陣頗擾。統幸下馬揮槍。殺我兵可二十人。自呼其名。與九郎右衛門鬪。九郎右衛門以十字槍接戰。傷其脅。統幸戰疲。重創扶兵而退。太郎助之兵小栗次右衛門追擊。獲其首。統幸驍將也。敵兵奪氣。敗走。九郎右衛門一右衛門太郎助。三隊合擊。多獲級。引兵還。凡獲四百六十八級。我兵死者一百四十餘人。如水進陣于實相寺山。檢首級梟之於別府邑。義統見兵猶有一千四五百人。田原紹忍勸義統據立石

之險拒之。義統驍兵戰死殆盡。氣懾不能復戰。遣使如水之

陣乞降。如水許之。紹忍歸岡城。依中川修理大夫秀成。瀨兵衛清

秀子右衛門大夫秀政弟義統剃髮出降。如水幽之而歸。家忠日記德川

關原記大全關原合戰誌石卯餘史松榮紀事○大全宮腰

秀興曰一說加藤清正銃手隊長木田玄蕃井上大九郎率

兵至石垣原。聲言援如水。而實欲觀其勝敗。以附勝者。如水

察之。不見二人。使之還。熊本今按清正與如水合謀。專為神

祖出力征討。懷貳之說。不足信也。又按中川秀成亦為援如水。

水出岡城陣于石垣原。側近高崎山。今按秀成始黨于秀家。

輝元。與如水清。正不協。事狀見清。正寄如水書。而云為援如水。

備考據大全。十日義統泊豐後濱。青浦招集舊臣。十一日遣

兵攻木築城。十二日吉弘嘉兵衛宗像掃部等出屯石垣原。

十三日大戰于石垣原。嘉兵衛掃部戰死。是日神祖至熱田

其夜義統出降。今欲事實接續。故不係日。九鬼守隆在

驛。藤堂高虎來謁。受密旨歸赤阪營。家忠日記松榮紀事

畔乘城數日與父嘉隆相持。聞神祖西上恐其觸嫌疑十一

日將兵一千五百攻鳥羽城。嘉隆使新宮城主堀内安房守

重俊。名據一本德川記抄及其第二子五郎七第三子五郎八守城自

將兵一千三百出城外拒戰守隆先鋒敗走越賀隼人青山

豐前守厲衆還戰互有死傷及晚父子各引兵還守隆遣使

關東告捷神祖在道聞之不甚嘉其功。關原合戰誌石卯餘

守隆使來上首級神祖喜征伐之勝兆褒守隆之功按父子

相攻固非美事神祖不宜褒之今從關原記大全○家忠日

記曰桑名城主氏家内膳正援九鬼大隅守攻畔乘城長

門守拒戰大破之上首級于關東與諸書異附以備考是

日神祖至清洲有疾十二日留於清洲猶稱不佳以待世子

自東山道來會。松榮上紀事召井伊直政於赤阪營至清洲勞先鋒

諸將之戰功稱直政及本多忠勝謀略能適機宜。關原記大

紀事曰是日藤堂高虎又來謁曰請北渡河至岐阜以

休士馬神祖不聽家忠日記大全並無其事附以備考是夜

市橋長勝襲大垣城下馬瀨營斬成兵十餘級送于福島正

則之營。家忠日記大谷吉隆劫略郡縣威震北國石田三成

小西行長鳥津惟新遣健步報曰東軍陷岐阜屯赤阪虛空

藏山宜急引兵向關原吉隆聞之飛檄徵集北軍率其子吉

久甥木下賴繼脇阪安治其子安元小川祐忠戶田重政朽

木元綱赤座久兵衛等一萬五千餘騎是日發敦賀向關原

慶長記作是月朔今從家忠敵軍北國大將京極高次雅謀

日記石卯餘史松榮紀事歸順給朽木元綱殊途出海津分兵爲水陸二途自航湖水

還大津城。立花宗茂筑紫廣門。為敵軍前鋒。赴大垣。次粟津。高次召將佐。欲夜襲之。黑田伊豫諫曰。宗茂良將。不可輕舉。計城中見兵。有三千餘人。不如致敵城下。以破之。議未決。宗茂廣門既發。粟津。時人頗譏伊豫之失機。關原記 大全高次遣多賀孫左衛門等。闔關寺之大門。以遏往來。運芻糧於城中。燒大津松本關寺市廛。以闔戰場。分兵據守。衞衞。宗茂廣門聞高次城守。還軍屯勢田。以保勢田橋。告急大阪。毛利輝元增田長盛。以毛利七郎兵衛元康為將。元康元就第六子。後稱大藏少輔。率毛利秀包。多賀出雲守。杉若越後守。德川記。作杉谷。越中守。今訂之。垣屋隱岐守。荒木平大夫重堅等。按荒木系圖。重堅安藝守高村第三子。初事秀吉。公稱木下備中守。

萬七千餘兵。以宗茂為前鋒攻城。關原記 大全 關原合戰關誌 石卯餘史 松榮紀事

寺門闔。兵不得過。時大虞院以尼孝藏主。秀吉公侍女慧而有才辨。秀吉公使

傳命于中外。頗有勢。學禪法。號仁叔。阿茶局為使。諭高次夫人。使高次歸大阪。

司門為過。二女開門。元康之兵乘之而入。城兵欲拒之。立花

宗茂進兵。膳所高木。城兵恐為邀後。引入第三城。闔門。先是

高次遣重臣山田大炊於關東。以為質。大炊後更稱神祖嘉多賀越中。

之曰。高次誠款有餘。何用質為。乃賜良刀於大炊。以還之。高

次城守益堅。二女不能奪其志。竟還大阪。自九日至十一日。

敵兵晝夜攻城。城兵悉力拒守。伊賀謀者夜入元康之營。奪

旗一旒而歸。是日城兵建之以嘲。立花宗茂之兵見之。以為

元康先登急進攻城筑紫廣門多賀出雲守等相繼而進城
 兵發矢石捍之敵兵衆多不顧死傷蟻附攻城破京町口三
 面齊進多賀出雲守先發立花宗茂隊將立花吉右衛門成
 家力戰被創部兵皆殊死鬪竟陷第三城山田大炊赤尾伊
 豆等守尾花川口雖奮戰拒之而敵兵驍集度不可守退入
 第二城高次馳使督責之大炊伊豆開門而出揮槍突戰殺
 敵數人大炊之兄三左衛門戰死大炊伊豆遞進却敵凡六
 戰疲又入第二城闔門敵兵竟陷第三城進薄第二城城兵
 發銃矢飛巨石拒之敵將松浦伊豫守中鉛死關原記大全
本書曰石川
掃部頭亦中鉛死按石河掃部頭賴明亂平自殺事見下文
十月家忠日記唯書伊豫守一人戰死而無掃部頭今從之

其餘死傷五六百人敵退至第三城張陣十三日敵兵連發
 大小銃攻之堞壘悉壞高次善撫士卒故城雖甚危而無敢
 離叛者輝元長盛以與東軍會戰在近使僧興山新莊直賴
 修和好說高次曰大老奉行爲嗣君興兵革而明公獨城守
 罪等謀叛宜講和以全家人之命高次曰我屬內府諸將屬
 輝元互爭雌雄各行其志非關嗣君之事內府爲天下之元
 老義當服從之今臨危授城非武夫之所爲也興山直賴固
 勸之高次以死自誓是曉敵自山上園城寺發佛郎機擊破
 殿守第二層柱松丸夫人侍女二人悸死松丸夫人高次之
妹武田孫八郎元
明之妻秀吉公聞其美誘殺元明奪之
爲妾在伏見城松丸故世稱松丸殿 夫人大驚頻勸高次

和親。黑田伊豫亦勸之。高次不得已從之。授城於立花宗茂

而去。石卯餘史曰。大谷吉隆與宇喜多秀家議使朽木元綱說高次降之。按吉隆秀家未嘗攻大津。餘史誤。今從關

原記大全。又按大全載宗茂。立花吉右衛門成家。書書親成。質之。立花飛驒守清直之士安東守經。報曰。宗茂數更名。

此時名親成。然終以宗茂為定名。○據家忠日記。關原記大全。關原合戰誌。石卯餘史。九月朔。吉隆發敦賀。三日夜。高次

歸大津城。四日夜。宗茂廣門屯勢多。七日。大阪諸將來會。自十一日攻城。今欲其事通貫。故不係日。初因幡鳥

取城主宮部兵部少輔從神祖於東征。及與諸將西上。馳書

桑名城主氏家行廣。告叛神祖入同守城。夜出岡崎驛。將取

水路赴桑名。路逢京極高次之使石川太郎左衛門兵部少

輔命左右輒殺之。剖太郎左衛門所杖竹杖視之。有一行書。

促台駕亟西上。兵部少輔以為行廣高次之妹夫也。其心難

保。猶豫議進退。計無所出。天既明。宰臣相議。遣使井伊直政

本多忠勝之營曰。兵部少輔病狂濫出。請處分。直政忠勝命

宰臣使其兵眾隸本軍。關原合戰誌。兵部作宮內曰。宮內少輔雖從東征。而眷戀妻子。石田三成

以書誘之。宮內少輔棄軍潛出營。將赴大阪。其臣告之。田中吉政。吉政遣人追及於塗。送吉田城。使松平家乘拘之。軍無

主將。士卒惶惑。藤堂高虎善祥坊之女婿也。故宮內少輔之臣友田左近右衛門。請舉軍屬高虎。高虎告狀於神祖。神祖

使高虎撫其軍。士卒始安。按兵部少輔與諸將西上。則此時神祖猶在江戶。軍機疾速。不容往復。經日。今從關原記大全。

是日。神祖至岐阜。厚見郡西座村立政寺僧。關原記大全曰。諸書作安八郡。

瑞雲寺。非也。龜甲山立政寺為是。今從之。厚見安八二郡。皆在美濃。盛碩大椰子於盤獻之。神

祖使近習隨意取之。戲曰。大椰子入吾掌握。關原合戰誌。石卯餘史。○大椰子大垣。

國音相通。關原記大全曰。自是改大垣書大椰子。今按仍舊皆書大垣。十四日。神祖發岐阜。諸將

奉迎呂久河上晉謁神祖面勞其戰功。家忠日記關原記大

餘史○慶長一統記松榮紀事並云是時神祖握福島正則之手顧諸將曰須明日鏖戰殄滅賊徒諸將皆喜按神祖因敵轉化不必指定戰期蓋後人見會戰適在十五日傳會為此說也今不取

召水野勝成使守曾

根舊壘如故勝成辭曰臣願與赤阪諸將在前鋒效力戰陣

神祖不許曰曾根輜重轉運之要衝敵若出兵樂田大垣之

間邀岐阜赤阪之路則諸將不得屯赤阪汝勿貪目前之功

而忽國家之大計勝成奉命而退。關原記大全關原合戰誌水野系圖亭午神

祖至赤阪屯岡山。關原合戰誌曰神祖改岡山曰勝山德川

舊書先是稻葉貞通以其子通孝為使報曰石田三成之臣

櫛原平助。關原記大全曰彦右衛門子時年十三蓋使彦右衛門故部曲佐之也率多兵扼摩

免戶渡宜備之時神祖次岡崎城通孝告狀神祖嘉之至是

貞通及其子典通加藤左衛門佐關一政竹中重門等犬山

降將來謁馬場昌次山村甚兵衛千村平右衛門亦同時謁

見神祖皆善遇之。關原記大全大垣斥候見大旆至走告之字喜

多秀家石田三成率兵出池尻口按視之候騎告曰東兵增

盛白旗翩翻內府來到必矣島清興曰比日敵兵夜出晝還

其營詐為大軍增益以給我白旗金森法印也乘其動搖可

一戰破之也。關原合戰誌載島左近之語曰內府方在奧州與景勝對陣安得來此此妄言也按大垣敵將

豈有不知神祖西上之理哉今不取合戰誌又云大垣城兵聞神祖在岡山皆失色左近謂三成曰今不一戰制勝則士

氣不振請擊之三成然之左近為前鋒蒲生備中為後拒隔株川陣于笠縫堤秀家陣于池尻口今從關原記大全蓋島

清興亦在三成前鋒也秀家曰然不及催督他軍我與治部少輔以手

下兵擊走之三成從之二軍前鋒渡株川擊中村一學之陣

一學尚幼彦左衛門一榮代統其衆見上文秀家伏兵一色村以誘之家忠日記德川記關

原合戰誌並云鳥左近伏兵林藪使步卒放銃誘之今從關原記大全一學叔父一榮及其宰

橫田宗治麾兵進戰有馬豐氏陣於其側進兵援之中島次

郎大夫稻次右近等先衆爭進橫擊三成之陣敵將敗走一

學豐氏之兵分左右追擊之神祖在岡山望見之謂左右曰

中村式部少輔自少習軍旅部兵皆善戰陣列可觀既而一

學之兵渡株川神祖艷然曰此敵誘我深入而墮其計今立

敗矣追騎乘勢長驅遇伏發敗兵應期還戰一學之兵受敵

左右不能支隊將野一色賴母據淺井軍記初稱介七事淺井長政厲衆馳突

秀家之兵淺香左馬擊之獲其首德川記關原合戰誌左馬作三左衛門蓋初稱也今

從關原記大全石卯餘史甘利備前與秀家銃手隊長飯尾太郎左衛門

馬上相搏而死其餘知名之士多戰死關原合戰誌曰戰死三十六人敗兵

退至笠縫堤下豐氏之兵追擊三成前鋒亦渡株川沿岸而

退稻次右近為殿敵兵四騎出躡之其一橫山監物蒲生備中之兵

射中右近之胷甲堅不徹監物又注矢右近急進與之相搏

監物有脅力右近幾危其奴來救竟斬監物使奴取其首擊

三騎却之德川記石卯餘史右近作半兵衛疑初稱也今從關原記大全關原合戰誌先臣佐佐宗淳曰後稱

壹岐德川記合戰誌餘史並云右近斬監物與花木外記接槍外記逃去蓋大全所載三騎之一也有馬法印

侍神祖側。神祖望見右近之背旗。問其姓名。對曰。玄蕃頭之

兵稻次右近。神祖名之。面褒其功。一學之兵。猶在堤下。不能

引去。神祖召井伊直政。本多忠勝曰。非汝等則不能退兵。德

記。關原記大全。關原合戰誌。慶長一統記。為命。忠勝一人。今從家忠日記。松榮紀事。本多家譜。直政忠勝單

騎不擐甲。馳至兩陣之間。左右指揮。自為殿。全軍而還。家忠

德川記。關原記大全。關原合戰誌。松榮紀事。本多家譜。秀家三成引兵還。至牛屋村遮

那院門前。檢所獲東兵首級。凡八十四。關原記大全。本書舉

三十三。我軍斬敵首十七。或云中村一學之兵死者三百餘人。未知孰是。三成謂秀賴近臣廣瀨

兵庫曰。子之鄉里美濃北山。有高橋修理。一本德川記抄。高橋作鷹橋。國語

同相。居廣瀨谷。世為豪族。子往說之。使之驅率邑民獵者。為銃

手一千人。以會關原之戰期。戰勝則封美濃半州。以酬其功

乃授黃金一百枚。資之。兵庫至廣瀨谷。告其言。修理曰。吾祖

先自將軍尊氏公時。居此。不願榮達。故秀吉公名之。不出。今

有何故而出乎。兵庫曰。如此則戰勝之後。聲罪致討。宗黨必

滅。子勿悔焉。修理曰。此冤枉也。吾不以干戈抗人。有何怨讐

而處罪乎。當俟天下治平。披訴主將。永保鄉里。子休矣。遂却

黃金不受。兵庫不能屈而歸。關原記大全。石卯餘史。

臣按。高橋修理高尚之士。而有先見之明。知石田三成之

將敗。毅然拒之。辭直氣壯。不惡而嚴。卒免于禍。以保全其

宗黨。較之古人。殆無媿焉。特怪夫天下既平。終無所見。豈

其事不達于神祖之間歟。或記者頗溢其美。而其實未至。如是耶。使人不能釋然無疑也。

先是豐臣秀秋至高宮。逗遛不進。宇喜多秀家遣使促之。使之引兵出美濃。以會戰期。秀秋稱病不出。既而秀家入大垣城。度其有異志。與石田三成議。謂戶田重政平塚爲廣曰。卿等須至秀秋之營。託言軍議。執之以爲質。如不從命。則刺殺之。卿等共死。則功與死事等矣。重政爲廣諾。輒至高宮之營。請謁。秀秋稱疾劇不出。二人計無所施而歸。歷日。秀秋至大垣。遣使城中曰。下官有疾。故流言荐興。今來于此。屯于城外。須與東軍決戰。然後入見諸將。以明其無貳。秀家使之陣于

大垣城西松尾山麓。秀秋引八千餘兵。陣于山上。是夜。大谷吉隆至其營。讓秀秋曰。卿兄弟雖多。太閤最愛卿。以爲隆景之養子。輔佐嗣君。非卿而誰。如聞卿託疾逗撓。通謀關東。豈所望於宗室之胄哉。秀家及三成正家。皆欲殺卿。以懲攜貳之徒。然以其無明驗。故隱忍至此。宜蚤改圖。以全臣節。稻葉正成。平岡賴勝。在秀秋之側。同辭對曰。中納言自幼被太閤之深恩。欲報之於嗣君。而近以罹疾。輒來無根之言。豈蓄異圖。請勿怪焉。吉隆曰。黃門年少。恐其志慮未定。或爲姦人所誘。今聞二人之言。坦然意釋矣。遂辭去。

關原合戰誌。石卯餘史。竝曰。吉隆謂三成

曰。金吾中納言反覆難信。吾欲抵彼營面質之。實懷攜貳。則吾交刃而死。足除一害。然吾病喪明。舉措不便。當以平塚因

幡守為介。因幡守喜應之。二人往秀秋營。謁之。秀秋出見。吉
 隆進捉秀秋。以短刀擬其胷。因幡守同進。吉隆責其有異圖。
 秀秋不少沮。自若。咄曰。無之。如其有貳。何輒出見。意者內府
 縱反間。欲使殺吾乎。果爾。疾斬吾首。以降內府。二人信之。復
 坐曰。然則賜誓書。以安大垣之人。心。秀秋以為要盟。鬼神不
 享。即授誓書。因幡守監之。吉隆使因幡守齎之。歸大垣。徑赴
 關原。蓋二書務欲張皇吉隆之謀略。而傳會為此說。家忠日
 記。及關原記。大全所載。較平實。今從之。○大全載一說曰。秀
 秋將攻安濃津城。至關地。藏稱疾。還至高宮。移屯柏原。逗撓
 數日。秀家三成。吉隆相議。吉隆至佐和山城。招秀秋將執之。
 秀秋覺之不來。故吉隆遣重政為廣於其營。云云。然二人三
 出大垣城。赴秀秋之營。舊說所傳。故不取一說。附以備考。
 成與秀家謀。使瀧川正弘。矢田半左衛門。齎秀家三成。小西
 行長。長束正家。安國寺惠瓊等。連名誓書。抵松尾山。說正成
 賴勝曰。嗣君至十五歲。使秀秋掌天下政事。關原合戰誌。石
 事竝云。當以秀秋為關白。按此雖啗利之
 虛辭。秀秋豈肯信之乎。今從關原記。大全。筑後筑前二國依

舊增封幡磨。正成賴勝各給黃金三百枚。關原戰勝。則割近

江地。各封十萬石。秀秋對使者曰。吾無攜貳。重賂何為。使者

歸報。三成終無如之何。關原記大全。關原合戰。敵將脇阪安

治。朽木元綱。小川祐忠。皆通謀歸順。松榮紀事。按安治納款。

也。○關原合戰誌曰。島津義弘說三成曰。敵軍以內府至岡

山。倍氣我軍失勢。秀秋攜貳。訛言紛紜。戰必不利。今夜襲岡

山。營出其不意。則秀秋反計。亦無所施。必得大捷。請我為前

驅。三成曰。內府雖至。兵僅三四萬。此不足畏也。我兵充滿山

野。既逾十萬。輝元出師。亦在近。日以大兵擊小眾。取勝在掌

握中。夜戰危道。勝敗未可料。不如白日會戰。以得大捷。此萬

全之道也。義弘固爭。三成終不聽。按義弘嘗欲入伏見城。同

守而懷歸款之志。不必設此奇策。以困東軍。其言全與字喜

多。秀家欲夜襲赤阪之計。相同。關原記大全。不取其說。蓋有

所見也。合戰誌。石卯餘史。又曰。三成與大垣諸將議。遣使大

阪。促毛利輝元出師。輝元諾。時城中流言。增田長盛。潛通關

東。故輝元不得輒出。按是月十二日。三成寄長盛書。有內府

未來輝元不應出大阪之語然則三成未嘗促之也據毛利家記秀元勸輝元密通欵于神祖故懷兩端不特城中流言也故今是日上杉景勝之兵將攻伊王野口出據石山伊王

野下總守資信下野守資宗子初稱又太郎使其臣薄葉備中擊破之資

信與其子又十郎資重進擊又破之斬一百七十餘級敵兵

敗走關原合戰誌石卯餘史伊王野系圖資信父子名據系圖關原合戰誌曰景勝寇關東口唯此一戰其後聞

關原之敗神祖在岡山之營召福島正則池田輝政京極高

知黑田長政以下諸將問攻戰利害皆同辭對曰大旆既至

吾輩宜進兵攻下大垣城神祖曰善然備前中納言在城為

主將石田長束大谷以下將士皆受其指揮卿等雖悉力攻

城未易猝拔三成輕佻卿等所知也若誘中納言出陣郊外

則可一戰禽之也關原記大全○大全關原合戰誌石卯餘史此下有神祖移陣菩提以致敵兵之謀

然是夜三成出陣關原不敵將亦會議于大垣城中宇喜多

秀家謂諸將曰聞內府既至赤阪意者攻城在近而今城兵

數萬守備有餘不經旬日毛利元康柳川侍從立花宗茂久留米

侍從毛利秀包小野木縫殿助早川主馬首等拔大津田邊城來

會于此安藝中納言亦當繼至以十餘萬眾擊關東疲兵其

勢不異于鷹鷂之毆鳥雀此萬全之策也三成曰不然凡城

守者利于以寡制眾今擁十萬之兵名為往伐關東而坐守

孤城不能出戰則士氣沮喪勢不可振宜使安藝宰相毛利秀元

長束正家率部兵三萬七千人為前軍出陣于青野原明公

與大谷吉隆率四萬人爲第二軍。三成與島津惟新。小西行長。及大阪弓銃三萬餘人。歷關原菩提寺山麓。登赤阪虛空藏山。繞出敵後。見機雷發。前後合擊。則東軍走。至呂久合渡。併力追擊。破之必矣。將兵之道。要在攻所當攻。守所當守。願明公無少遲疑。可速進馬。吉隆謂正家曰。我兵雖逾十萬。而內府既至赤阪。則彼亦殆將十萬。勢均力敵。不較虛實利害。而欲一舉爭鋒野戰。未見其可也。黃門君雖尚少壯。而謀慮深遠。欲待諸軍來集。可謂至計。而三成輕遠。妄勸出師。此取敗之道也。宜堅凝持重。以制勝焉。三成固爭不從。其餘敵將亦多不用吉隆之謀者。秀家不能奪。竟從三成之議。吉隆又

曰。諸將與衆同心。不亂隊伍。決志必死。則或可取勝。一有前却。則勝敗未可豫料。戶田重政亦贊成其言。秀家曰。衆議既定。宜亟歸營。明日會戰。諸將皆出。吉隆受秀家之命。至松尾山。豐臣秀秋之營。諭以赤心無貳。固守前約。關原記大全秀家與

三成議。使福原直孝守大垣牙城。熊谷直陳。垣見家。純。木村宗左衛門。其子傳藏。守第二城。高橋元種。秋月種長。相良長每守第三城。兵合七千五百人。關原記大全作七千餘人。今從水野勝成事記。正家

與安國寺惠瓊歸南宮山之營。對吉川廣家。傳秀家之命曰。明日之戰。安藝宰相宜爲前軍。廣家既與福原越後合謀。勸秀元歸款。故託言曰。宰相代父將兵。當與宇喜多黃門號令

諸將而使之為前驅。殆失望也。正家惠瓊固勸之。廣家終不聽。夜二更。三成歷野口村田路。至南宮山。說秀元廣家曰。黃門與宰相為前後主將。有何不滿而發此言。論辨再三。亦不能奪。三成曰。然則黃門指揮諸將作戰。宰相須橫擊敵陣。言訖。歷牧田間道。○貝原篤信木曾路記曰。牧田距今洲二里。牧田東有高田村。有野曰。唐末三成所歷間道。即此也。四更至松尾山。對平岡賴勝稻葉正成。使秀秋明日厲戰。徑至大谷吉隆藤川之營。議軍事。經小玉大路。黎明至小關村。島津惟新。鍋島勝茂。小西行長等。夜出大垣城。由野口赴關原。宇喜多秀家將大軍。後諸將而發。○關原軍記曰。大垣至關原。行程三里。松榮紀事曰。敵將暗夜衝雨至關原。人馬騷擾。其勢不異于奔敗。按翊日之戰。秀

家先破福島正則之陣。軍列不整。而能如此乎。蓋後人臆度之說。故不取。一柳直盛在長松城西。

尾光教在曾根城。謀奔赴而告。直盛光教馳使本營告之。福

島正則以其臣祖父江法齋為使。據關原記。大全法齋初稱江右衛門。武功積累。名仕

麾下。隸青山常陸介忠成。忠成授氏曰。青山石見守。後有罪被誅。事在十九年。告曰。敵兵出城。將俟

天明進討。神祖召法齋面諭曰。出城勝兆也。吾當繼發以殄

滅之。家忠日記。關原合戰誌。石卯餘史。松榮紀事。○關原軍記。慶元記。並曰。神祖令諸將曰。敵兵皆依山而陣。但擊

向我者。勿擊山上。敵直由海道西上。則戰勝必矣。敵若下山。橫截我軍。則可擊破之。此又取勝之道也。附以備考。法

齋白神祖曰。鍋島信濃守未戰而引兵上山。神祖曰。天未明。

且重霧昏濛。汝何以知之。法齋曰。臣攬鍋島所陣馬糞。試之

猶暖。是以知之。神祖曰。前日吾到岐阜。勝茂通款請降。宜其

如此。關原記大全時北面士某為言京極高次往大津。比過山科。

遇三成急步捕之。送本營。齎三成寄增田長盛書。詳說大垣

之形勢。神祖臨發覽之。使諸將傳觀之。關原記大全慶元記石卯餘史○書辭載

在三書今略之豫召監使下號令。福島正則。細川忠興。其子忠隆。織

田有樂。其子長孝。田中吉政。其子長顯。加藤嘉明。藤堂高虎。

黑田長政。生駒一正。戶川達安。竹中重門。及公子下野守忠

吉。井伊直政。本多忠勝為前軍。筒井定次。稻葉貞通。其子典

通。加藤左衛門佐。蜂須賀至鎮。遠藤慶隆。小出秀家。龜井茲

矩。寺澤廣高為二軍。池田輝政。其子利隆。淺野幸長。山内一

豐。有馬法印。其子豐氏。金森素玄。其子可重。德永法印。壽昌。

一柳直盛。中村一榮。市橋長勝。松平吉綱。横井伊織。其子孫

右衛門。作左衛門等。備南宮山。栗原山之敵。西尾光教。水野

勝成。津輕為信。松平康長等。備大垣之敵。酒井家次為麾下

前鋒。大須賀忠政。本多成重為後拒。堀尾忠氏守岡山之營。

總七萬五千三百三十餘人。關原合戰誌曰。分為二十六隊。堀尾忠氏與山内一豐備大垣

城其餘軍列合戰誌石卯餘史遣奧平貞治於松尾山。監豐

臣秀秋之軍。十五日黎明。神祖擐甲。談往年長湫之捷。使近

習聞之。出軍關原。建牙於野上之西。挑配原。關原記大全毛

利秀元。吉川廣家。雖密輸款。而神祖未知情實。頗疑其詐。本

多忠勝曰。彼若懷詐。則當下南宮山張陣。而至今猶在山上。

則其非詐可知矣。且輝政幸長。置陣牢固。無復可慮。宜亟進大狝矣。神祖從之。關原記大全關原合戰誌本多家譜方是時。惠瓊至秀元之

營。說曰。敵將布陣關原內府。將進馬。宜令諸將見烽作戰。秀

元曰。吾年尚少。軍事悉委吉川。彼當見機發兵。更勿勞心。惠

瓊曰。卿為太閤之養子。特蒙恩遇。秀賴公之成敗。造次不可

忘。而諉之軍事。悉委吉川。不忠孰甚焉。宜亟改圖。以勦敵軍。

秀元語塞。誓必發兵。襲後。惠瓊喜而歸營。秀元遣使廣家之

營。謂曰。關西諸將皆棄其質歸內府。吾亦欲棄福原左近。以

襲擊其後。須挑戰。廣家固執不聽。關原記大全既而正則候騎澤

井左衛門森勘解由。與三成斥候澤田小三郎。乾二郎。兵衛

馬上相遇。石卯餘史為小西行長斥候。今從關原記大全關原合戰誌四人提槍將鬪。正

則候騎祖父江法齋。馳入其間。謂曰。審形勢。料虛實。以告主

將。候騎之職也。子等鬪死。則有誰當告主將。戰在事後。須各

罷去。四人然之。遂東西別去。關原記大全關原合戰誌石卯餘史福島正則之

前鋒橫截。宇喜多秀家之後軍。而列隊伍。秀家之兵不能測

其多少。猶豫不進。稻葉助之丞厲聲曰。主君在前。敵邀其後。

有何疑懼。而不敢進。須衝突而過。馳馬冒陣。其餘提槍齊進。

勢甚猛烈。正則之兵加藤莊之助。馬上指揮。助之丞以槍刺

之墜馬。不取其首。率餘眾直衝我陣。而過。得及秀家。正則隊

將福島丹波。率手下兵力戰。獲十餘級。關原記大全關原合戰誌石卯餘史秀

家背石原嶺向東南而陣。河尻肥後守石河光吉。布施屋飛驒守玉置小平次。糟屋內膳正赤澤山城守池田伊豫守戶

田重政。平塚為廣。陣于秀家之右。○關原記大全河尻肥後守上有有馬修理大夫按

有馬晴信承大阪之檄而未嘗出兵事見下文十月故不書大谷吉隆。其子吉久。甥木下

賴繼。朽木元綱。小川祐忠。脇阪安治。其子安元。赤座久兵衛

等。陣于松尾山麓。小西行長。島津惟新。其子忠恒。姪豐久。織

田秀雄。關原記大全無秀雄今據關原合戰誌信雄長子織田左衛門佐信高初稱藤四郎及大阪弓銃隊長陣于其

左。石田三成。陣于天滿山麓。列柵二重。島清興。其子新吉清

長。諸書作政勝關原記大全信勝今從諸家系圖纂次子十次。即清資。大場土佐大

山伯耆。舞兵庫。森九兵衛。蒲生備中。北川平左衛門等六十

餘人。陣于柵前。毛利秀元。吉川廣家。宍戶備前守。安國寺惠

瓊。長束正家。其弟伊賀守。長曾我部盛親。鍋島勝茂等。陣于

南宮山。栗原山。兵總十二萬八千六百餘人。關原合戰誌曰

敵將陣列諸書不同今從關原記大全大谷吉隆分兵使吉久賴繼扼垂井口。

自將勝兵六百餘人。向松尾山張陣。以備豐臣秀秋之變。關原

合戰誌○本書曰分兵四千使大谷大學木下山城守將三

之據關原記大全吉隆兵總二千八百人故今不舉其數成吉隆不知元綱祐忠安治安元久兵衛等潛謀歸順。故亦

使之備秀秋。關原合戰誌是日昏霧四塞。咫尺不辨。日加辰漸晴。

神祖自關原街東進馬。西上十二町。渡邊守綱說地形之利

害。又進陣可三町。前鋒酒井家次建旌旗十二旒。先神祖可
 九町。本多正純。奧平信昌。其子家昌。松平忠明。戶田一西。其
 子氏鐵。松平家清。青山忠成。其子忠俊。永井直勝。松平家乘
 等。陣列其次。秀家三成。吉隆見神祖後南宮山而進陣。欲前
 後夾擊。故戒部下勿與戰。關原記 大全下野守忠吉初蒞戰場。井
 伊直政其婦翁也。故神祖使直政導之。直政率勝兵可三百。
 進至前軍。關一政塗遇直政。問當屬何人部下。直政曰。第跟
 吾來。一政從之。本多忠勝馳至。作色責直政曰。今日之事。吾
 與子共為先鋒。何得獨進。直政曰。吾奉命導公子。不得與子
 共事。忠勝愈怒。二人忿爭。事將不測。一政和解之。遂得平直

政欲先福島正則之陣而進。正則之兵可兒才藏橫槍呵曰。
 福島左衛門大夫奉命為先鋒。不許他人過此。直政給曰。吾
 井伊侍從也。蒙命與公子忠吉出為候騎。才藏曰。然則多兵
 不可。須減之。直政不得已。使木股右京統兵眾。纔率五六騎。
 近敵軍。關原記 大全 關原合戰誌 石卯餘史 慶元記 關原兩
 軍記 按合戰誌 右京作土佐 益更稱也 今從 大全兩
 軍發銃交戰。藤堂高虎之甥藤堂新七良勝。獲級第一。遣使
 獻之麾下。神祖褒之。既而麾下海螺鳴。東軍大喊而進。下野
 守忠吉冒島津惟新之陣。手擊其兵。松浦三郎兵衛。三郎兵
 衛多力健鬪。忠吉被創。勇氣不撓。馬上相搏而墮。從兵加藤
 孫太郎獲其首。忠吉又進擊敵。從兵纔四人。幾危。井伊直政

率手下兵救之。木股右京。鈴木重好。屬衆督戰。小幡勘兵衛

景憲。諸書孫十郎虎威孫。又十郎昌盛子。一說虎威作昌忠。昌盛作在直。蓋初名也。勘兵衛初稱孫七郎。後更今稱。

晚年號道牛。關原合戰誌。小幡道牛事歷。並云。景憲時。蒙世子譴責。故不得列麾下。在木股土佐之隊接戰。揮槍

力鬪。獲級。脇五右衛門。岡本半助。向山外記。皆有戰功。關原

全。關原合戰誌。石卯餘史。鈴木重好。率先勇猛。擊破惟新之陣。直政凡獲

五十三級。鈴木重好傳。松倉重正。屬直政。力戰有功。本多忠勝騎

世子所賜駿馬。號三國驪。長四尺八寸餘。家忠日記。松榮紀。事爲神祖所賜。今從關原記。大全。石卯餘史。

本多家譜。橫衝惟新之陣。敵兵披靡。馬中鉛斃。從兵梶金平。授已

馬乘之。本多忠朝時年十九。手斬惟新之兵二人。從兵山内

主水。加藤忠左衛門。吉原新介。長野新四郎。青山三四郎等

皆善戰。桑山左衛門。佐一直。修理亮重晴孫。九郎二郎一重。第二子。爲兄修理亮一晴子養。

屬本多忠勝有功效。石河貞政。斬石田三成。候騎服部新左

衛門。關原記。大全云。麾下。士服部仲之從父弟。上其首。神祖檢之。爲是日第一級。

關原記。大全。關原合戰誌。石卯餘史。○大全曰。福島正則之

兵渡邊彥助。先石河伊豆守。獲首。先備正則之覽。然後獻之。

麾下。故後於伊豆守。按先是藤堂良勝。獲級第一。福島丹波

亦邀擊。宇喜多秀家。後軍。獲十餘級。然在大軍未接戰之前。

故不得爲第一也。前鋒福島正則。西馳。先擊宇喜多秀家之陣。秀家

分二萬餘兵爲五隊。前軍與東軍接戰。其鋒甚銳。正則之兵

退走。可五町。星野又八揮眉。尖刀還鬪。斬敵三人而死。其餘

戰死幾三十人。衆不能支。正則大怒。厲聲呵之。福島丹波。小

關石見。長尾隼人等。厲衆還戰。互進互退。勝敗未決。關原記。大全。關

原合戰誌。加藤左衛門佐筒井定次橫擊秀家之陣破之。關

誌。合戰。黑田長政陣于相川之北。向青塚擊島清興之陣。銃手

隊長白石莊兵衛。管六之助。野口左助。益田與助等。連發鳥

銃。敵兵辟易。關原記大全。○本書舉一說曰。管六之助部田

中吉政。生駒一正。竹中重門。戶川達安。岡田將監等。○將監

織田信雄之將。長門守弟。見天正十

二年。未。知其以何年屬神祖。與石田三成之前軍接戰。東軍

少却。三成見之。以為南宮山諸將合擊內府麾下。則必得大

捷。乃舉烽天滿山。引兵下丸山。大喊而進。擊吉政之陣。吉政

退可三町。加藤嘉明。細川忠興。黑田長政。橫衝三成之陣。細

川忠隆。其弟興秋。叔父興元。皆揮槍獲級。忠興冒陣力戰。前

田與十郎。○按此與蟹江城主前香久山少左衛門等六人

皆獲級。伊丹意頓屬黑田長政。與三成隊長安宅作右衛門

接槍。作右衛門勇健。縱意頓仆之。黑田一成馳至。擊作右衛

門斃之。使意頓取其首。進與蒲生將監相搏。獲其級。意頓跨

作右衛門之屍。欲取其首。創重而死。其餘長政之兵。後藤又

兵衛基次。詳注于生田小屋之助等。十三人皆獲級。關原記

原合戰誌。石卯餘史。○大全曰。十四日夜。長政選精兵十五

人。戒之曰。明日之戰。不得離我左右。馳逐如我手足。若有離

群獨戰者。雖得大將之首。亦不得為功。其意以為三成兇徒

之魁帥也。欲親擊之。以償宿憾。故君臣一心。衝突其陣。而三

成竟敗走。又兵衛小屋之助等十三人。皆田中吉政。生駒一

一正之兵脇阪源右衛門。黑田久六等。力戰獲級。三成前軍不能支。竟敗走。織田有樂。其子長孝。津田高勝等。陣于大路之南。進與大谷吉久。木下賴繼。平塚為廣。戶田重政相抵。敵兵甚勁。我軍又少。却。諸將齊進。前後合擊。呼聲動天地。古田重然。猪子内匠。舟越景直。佐久間安政。其弟勝之。斬獲挺衆。小阪助六。安孫子善十郎。稻熊一左衛門。諸書稻熊作熊谷。關原記大全作稻垣。今從大田牛一所撰關原記。永井直清本慶長記。及石卯餘史。兼松正吉。西尾藤兵衛。坪内喜太郎。利定父子五人。皆力戰獲級。日加午。雌雄未決。敵兵動輒欲挫東軍。久保島孫兵衛至麾下。言於神祖曰。戰既酣。而秀秋按兵不動。請處分。神祖既疑南宮山之敵。聞此言。

益不能無疑。作色曰。恨為豎子所賣。乃使孫兵衛率銃手二十人。向松尾山發銃脅之。秀秋前鋒整隊伍。將向我陣。平岡賴勝。稻葉正成。鳴海螺。進旌旗。告有倒戈之約於諸軍。秀秋步騎八千。以五千為左右翼。三千為麾下親兵。下松尾山。直擊大谷吉隆之陣。賴勝正成左右分進。銃手六百。雷發雨注。
關原記大全。關原合戰誌。石卯餘史。三書並曰。秀秋監使村上宇兵衛。告反戈之約于前軍隊將松野主馬。主馬大驚曰。臨戰變節。謂之盾裏反忠。不忠不義。小早川家絕無其事。吾不能聽命。唯有一死。可以報國耳。宇兵衛曰。君侯既與關東定約。專為宗社。不可中變。今子獨拒命。則是亦不忠不義也。主馬服其言。雖引兵下山。而終不與敵兵接戰。大全又曰。主馬領五千石。亂平。致仕而去。往京師。落髮居黑谷。及賜備前美作於秀秋。招之為執政。固辭不出。其後田中言政厚幣招之。乃出給一萬石。晚年駿河大納言忠長。卿召為家老。大谷給二萬石。忠長卿封除。又為僑人。號道圓。終于京師。

吉久木下賴繼戶田重政平塚為廣方與東軍戰見秀秋來

進舍東軍與之戰吉隆豫知軍必不利欲亟自裁故不擐甲

輕服駕輿其輿四方皆空使親兵舁之以便屠滅德川記關原合戰誌

石卯餘史松榮紀事並曰吉隆欲馬上自裁故不擐甲輕服騎馬關原記大全不然其說今從大全及毛利家記將

兵六百輿中指揮高呼大罵曰秀秋無狀怨徹骨髓今不斬

之更待何時宜直入麾下取之兵皆殊死戰重政為廣揮槍

力戰大破秀秋之陣賴勝正成厲眾曰兵書有之小敵之堅

大敵之禽也須併力決志以獲大谷父子然敵兵勇銳秀秋

之兵敗走田中勘左衛門布目新平等二十九人戰死被創

者幾五十人關原合戰誌曰戰死三百七十餘人今從關原記大全秀秋大怒以新兵

攻之重政父子五百餘人大呼進鬪為廣父子六十人橫擊

秀秋之陣又敗之關原合戰誌監使奧平貞治獲級上之麾下力

戰而死神祖惜之關原記大全關原合戰誌石卯餘史並曰神祖矜其戰死給江州采地三百石於其

母藤堂高虎織田有樂其子長孝津田高勝逼吉隆之左脇

阪安治既憑高虎納款故渡藤川逼吉隆之右小川祐忠朽

木元綱赤座久兵衛與安治同進秀秋敗兵乘勢還鬪吉隆

三面受敵力猶不屈又擊退秀秋前軍可一町東軍左右競

進敵兵披靡吉隆常善撫士卒至死一無離叛者銳兵三十

餘人皆戰死津田高勝與戶田重政馬上相鬪高勝所乘馬

驚刀光而逸去津田系圖曰高勝縱重政而仆之欲取首織田長孝來搏重政高勝不敢爭讓於長孝而

去今從關原記大全關原合戰誌石卯餘史

織田長孝來與重政接。二人雅相識。

下馬苦戰。重政累戰力疲。長孝終獲其首。重政之宰鶴見金左衛門。進擊長孝。其兵矢田太兵衛。橫擊金左衛門。斬之。秀秋近臣橫田小半助。與平塚為廣鬪。為廣以十字槍刺殺之。齎其首送吉隆之陣。曰。我兵既敗。不可復振。一死以酬知己。子當引決。吉隆對為廣之使。大稱賞其勇敢。為廣連戰被創。踞田塍而憩。小川祐忠之兵。檜井太兵衛。進與之鬪。縱為廣而仆之。為廣投十字槍。謂太兵衛曰。為汝寶器。遂授首。為廣子莊兵衛。重政子內記。皆苦戰而死。吉隆隊長湯淺五助。提首來告戰敗。吉隆謂五助曰。是吾自盡之秋也。猶豫移時。則

恐受辱。吾罹惡疾。顏面甚醜。宜藏吾首。勿使敵人見之。遂自

屠。吾助介錯。時年四十二。三浦喜大夫以帛裹其首。瘞深泥

中而自殺。五助又馳犯陣。藤堂高虎之姪仁右衛門高則。斬

之。高則諸書作高刑。藤堂系圖亦作高刑。曰。仁右衛門高則子。據之則高則父名也。然系圖云高刑戰死。關原其繆誤不足信。今據高

虎行狀訂之。高虎上之麾下。神祖聞之曰。五助驍勇而缺

脣。須驗之。近臣檢其首。果缺脣也。乃定為五助之首。關原記大全關

原合戰誌石卯餘史

臣按。北齊祖珽病盲。北徐州之亂。自乘馬臨陣。左右射反

者。聞其盲。謂其必不能出。忽見之。大驚散走。珽且戰且守。

竟平其亂。珽雖有膽略。而讒慝之鄙夫也。大谷吉隆亦病

旨。而其志操迥出珽之上。奇略超眾。勇決絕倫。始欲依神
祖立功名。而終黨于石田三成。為之謀主。非其志也。吉隆
固知三成之無成。諫之再三。而三成反謀已決。竟不能回。
吉隆守匹夫之諒。以死許之。其經略北國。訓練士卒。如臂
使指。不攻府城而直救北莊。馳咫尺之書。以却金澤之大
軍。其曉暢兵機。三成之黨皆所不及也。暨乎東西鏖戰之
日。豫知金吾中納言之有異圖。選六百之精銳。抗八千之
勁兵。士卒皆懷其惠。無敢離叛者。及其戰敗。決然自屠。不
受僇辱。豈非智勇出群者哉。

大谷吉久。木下賴繼。殘兵纔七八騎。相對涕泣。欲赴陣而死。

關原合戰誌曰。大學山城守戰于垂井口。朝霧遮山。不知吉
隆若戰。故不來救。既而聞吉隆自殺。引兵還京。極修理亮縱
擊敗之。從兵或死或走。留者纔二十四騎。二人將自殺。其臣諫之。故亡去。今從關原記大全。吉久乳母子

橋本久八郎諫曰。此陣雖破。大阪佐和山城守堅固。東軍不
得輒攻。不如還敦賀。招聚殘兵。以圖再舉。二人從之。關原記
大全

原合戰誌。石卯餘史。及豐臣秀秋歸順。神祖命麾下兵。大喊而進。眾軍
皆喊。乘勢奮擊。右屠左剪。縱橫馳突。西軍大敗。家忠日記。關
原記大全

原合戰誌。石卯餘史。宇喜多秀家怒秀秋倒戈。欲擊其陣。交
刃而死。明石掃部助守重注于十
九年諫曰。君侯號令諸將。而為

匹夫之行。不可。秀家曰。吾非唯惡秀秋之反覆。欲與之共死。
而特怪夫輝元變約不出師。秀元亦倍約觀望。天下事可知。

也。一死以報太閤之恩。吾志決矣。守重固諫曰。縱大老奉行

歸降關東。君侯宜運籌策。拯危難。以擁戴秀賴公。言甚切至。

秀家不得已從之。與近臣二人走入膽吹山。守重戰敗奔京

師。關原記大全。關原合戰誌。石卯餘史。並曰。秀家與近臣進

藤三左衛門。黑田勘十郎。脫甲舍馬。歷膽吹山間道。至美

濃。粕川谷。日暮雨灑。倚巖壁避雨。天既明。至中山鄉。土人爭

起。襦敗兵衣服。白檜村村民矢野五郎右衛門。以槍擬秀家。

秀家乞憐。五郎右衛門知其為貴人。投槍而跪。使

奴負秀家至己家。匿屋後巖窟中。人莫知之者。大野治長

屬福島正則力戰。斬秀家之兵甲知七郎右衛門。關原記

川忠興。黑田長政。加藤嘉明。田中吉政。生駒一正。竹中重門。

與石田三成戰。兩軍格鬪。織田有樂父子。藤堂高虎。破太谷

吉隆而來。與諸將合敵。兵決死血戰。散而復合。凡七八次。我

兵斬蒲生大膳。北川十郎以下。大膳備中子。十一百三十人。

藤堂良政。進與島清興長子清長相搏而死。清長取其首將

起。良政近臣山本平三郎刺殺清長。獲其級。蒲生備中。北川

平左衛門。坐胡床集敗兵。備中揮刀力戰。馬斃身疲而憇。見

織田有樂馳馬而過。謂之曰。吾嘗事蒲生飛驒守。稱橫山喜

內。君頗識不。有樂曰。橫山喜內我所識也。幸從我來。告內府

活汝。備中笑曰。君非信長公之弟邪。何其不知人之甚也。胡

為憑君丐生乎。拔刀斫有樂。有樂躲避墮馬。有樂之兵澤井

久藏擬槍備中。備中斬之。其僕來救。又斬之。從兵攢槍刺殺

之。有樂終獲其級。平左衛門遁去。關原記大全。關原合戰誌。石卯餘史。諸將合

擊三成之陣。三成戰敗。走入膽吹山。島清與戰死。石卯餘史曰左近死

生未詳。或云戰死。然無獲其首者。關原合戰誌曰。本多六兵衛獲左近首。不知誰部兵。關原記大全曰。或云加藤嘉明近

習森岡半三郎擊殺之。其說不足信也。蓋左近中管六之助部兵所放鉛彈而死。此說近是。今按諸家系圖纂載興福寺

持寶院主之語曰。石田三成之士八條勘兵衛常談關原之戰曰。軍敗。勘兵衛勸左近。欲共往佐和山城守。左近問曰。我

子掃部修理如何。勘兵衛曰。二人戰死。左近曰。然則何所期待而愉生乎。即馳赴陣。勘兵衛牽鎧。覆止之。左近揮刀擬之。

遂馳去。諸書不知此事。皆云莫知所之。其實戰死也。據此說則又在中銃之後。附以備致。持寶院清興父豐前守所建。清

興父子牌。今見存焉。掃部修理。即新吉十次郎也。諸將乘勝逐北。獲八千餘級。關原合戰

誌。松榮紀事。加藤嘉明不貪追擊之功。嚴隊伍以備變。嘉明旦出

赤阪。鎧甲鮮麗。及接戰。以平常鎧甲易之。人皆稱其老於戎

事。關原記大全島津惟新前軍既敗。以麾下二千餘人爲一隊。殿

而退。其鋒甚銳。所向披靡。福島正之欲以寡兵邀擊之。惟新

擊破之。本軍前鋒酒井家次之陣亦頗動搖。既而諸將戰勝。

大軍競進。合擊惟新之陣。破之。島津豐久與惟新立馬耳語。

良久。遂犯陣而死。石卯餘史豐久作義家曰。義久第三子。惟新之弟。按島津家譜。豐久義久之弟。中務

大輔家久之子。義弘之姪。而無名義家者。餘史誤。今從關原記大全。關原合戰誌。松榮紀事。惟新知不可

免。跋馬將戰死。其宰阿多盛淳入道長壽。松榮紀事。盛淳作忠實。今從關原記

大全。關原合戰誌。石卯餘史。牽鎧。衷諫曰。大將不可輕死。臣請代命。乃稱

島津兵庫頭義弘入道惟新。力戰而死。惟新得間。向膽吹山

而去。下野守忠吉與井伊直政急追擊之。惟新之兵還鬪。救

父子之急。直政乘麾厲衆。敵兵柏田源藏發銃。中直政之腕。

直政墜馬。從兵扶之而去。惟新遁入多羅尾。家忠日記關原記大全關原軍

記關原合戰誌石卯餘史松榮紀事

臣按村上義光代護良親王而死。殆有紀信之節。大日本史特書義烈傳。以為人臣之勸宜矣。柳瀨之敗。毛受勝助稱柴田修理亮。武藏野之軍。津田次右衛門元親稱龍川伊豫守。青野原之戰。阿多長壽稱島津兵庫頭。皆代主君之死。以救急難。忠烈亞於義光。名節不媿前古。後之秉史筆者。其亦有所考信歟。

自辰至未。勝敗方決。凡斬敵兵二萬八千餘級。關原合戰誌曰三萬二千六百級石卯餘史曰三萬五千七十餘級今從關原記大全我軍死者三千七百人。其餘

兩軍被創者不可勝算。關原記大全奧平貞治。藤堂良政。伊丹意

頓。河村助右衛門。村越兵庫戰死。神祖惜之。而喜將帥無一

人死者。關原合戰誌松榮紀事毛利秀元屯南宮山。長束正家見三成

舉烽。馳使秀元之營。趣之。秀元偪於惠瓊之言。欲渝歸款之

約。以進兵。吉川廣家在前軍。不動旌旗。秀元不能越廣家而

進軍。池田輝政。淺野幸長等諸將列陣山下。厲兵以待。秀元

之兵。進退失據。故託傳殮以遲留。時人謂之宰相殿空行廚。

頃之。秀元遣使正家。惠瓊之陣曰。吾欲下山進軍。而前鋒吉

川廣家。宍戶備前守不肯進兵。吾未如之何也。正家惠瓊素

隸秀元。故不能敵之。長曾我部盛親亦陣于栗原山。不得交

兵猶豫移時。既而關原戰敗。故正家惠瓊盛親不戰而走。關原

記大全。小西行長一戰輒敗。關原記大全曰。一說行長陣于島津惟新之右。及接戰。惟新馳使督

戰。行長不聽。終不交一矢。而敗走。有知行長之事者。宮腰秀興面質之。行長前鋒接槍。事證甚明。然大軍崩潰。故不得已

敗走。今正家奔伊勢。盛親歷伊賀。奔界津。行長惠瓊走入膽

吹山。關原合戰誌。石卯餘史。松榮紀事。各有異同。今從關原記大全。○松榮紀事舉一說曰。吉川廣家。福原越後。就

黑田長政。并伊直政。本多忠勝。請曰。得賜長門周防二國。以存毛利家。則歸順盡忠。然輝元秀元實不知其謀。按此毛利

家記之說。而為秀元隱諱者也。大全曰。秀元不欲顯言其事。故始終諉言廣家。而外為不知其謀。此說得之矣。今從紀事

正文。又合戰誌曰。秀元廣家實歸順關東。則擊正家以下。兇徒。以著功效。可也。今擁大兵。徒為觀望。其事甚醜。此論雖似

是。而廣家心事。終不如此也。神祖據高而陣。坐胡床。檢首級。召近侍曰。持

曹來。皆謂今日大捷。今何求曹之為。神祖戴之。顧左右曰。諺

云。勝而結曹緒。此之謂也。關原記大全。關原合戰誌。石卯餘史。諸將皆上謁。黑

田長政先至。神祖執其手曰。今日之捷。全在卿之謀略。摧堅

挫銳。破走渠魁。三成其功。無比。手賜所佩吉光短刀。關原記大全

諸將皆賀戰勝。神祖勞之。本多忠勝為介。進曰。今日諸將戰

功。皆絕比倫。福島正則曰。忠勝指揮諸軍。曲盡其妙。過於素

聞。忠勝曰。敵甚脆弱。不足計較。人多不伐其功也。關原記大全。關原合

戰誌。石卯餘史。織田有樂提蒲生備中之首而至。神祖曰。老人作壯

事。將無不可。諸書以此為有樂之備中。吾所識也。善瘞其首。

本多忠朝斬敵二騎。刀反不入室數寸。跪于神祖前。神祖褒

其功。下野守忠吉裹創而至。神祖問曰。汝被創邪。對曰。甚輕。

井伊直政病創。挂手箭室而來前。神祖起曰。兵部亦被創邪。

輕重何如。親取藥傅之。亦賜忠吉。關原記大全。關原合戰誌。石卯餘史。麾下之

士上級者。絡繹相踵。米津梅干之助。小栗忠政。戰功尤著。家忠

日結城參河守秀康之使。真沙作兵衛。山名與次兵衛。亦獲

級。晉謁神祖。褒之。使亟東歸。報捷秀康。二人被創不能行。故

命他人。關原記大全。關原合戰誌。石卯餘史。慶元記。正則又曰。閣下威風廣大。故

不終日而彊敵崩潰。自古未聞成功如此其速也。家忠日記。松榮紀事。

岡江雪言于神祖曰。恰如昏夜向明。宜唱凱歌。諸書皆云。山

是言。按此時道阿彌。接福島正賴。在長島城。而不在戰場也。家忠日記。為正則之言。今從關原記大全。神祖曰。

殄滅兇賊。在吾掌握。但諸將妻孥。皆在大坂。吾日夜憂之。不

過數日。必付妻孥於諸將。然後可唱凱歌也。諸將皆感泣。創業

記。德川記。細川家傳錄。慶元記。松榮紀事。諸書皆云。三日之間。必付妻孥於諸將。按神祖雖英算如神。而不必指定日辰。

家忠日記。不日。關原記。大全云。近日。今從之。神祖遣村越直吉於松尾山。招豐臣

秀秋。秀秋率近臣十餘人來謁。脇阪安治父子。朽木元綱。相

踵而至。神祖下胡床。勞秀秋曰。今日之事。功莫大焉。自今釋

憾修好。宜明日攻佐和山城。松榮紀事曰。神祖勞秀秋之功。日。御年尚少。他日勿懷攜貳。秀

秋惶恐。請攻佐和山城。按神祖綏撫敵將。安其反側之心。不宜有此言。今從家忠日記。關原記大全。秀秋請為

前鋒。神祖曰。前鋒既命井伊兵部。卿宜率脇阪朽木等。為後

軍。秀秋唯而退。關原合戰誌曰。神祖命前鋒於直政。秀秋為後軍。秀秋固請為前鋒。故易之。以直政為後

軍。今從家忠日記。德川記。石卯餘史。松榮紀事。小川祐忠。一柳直盛之姑夫也。姑夫或作

夫奸故直盛就井伊直政乞赦其罪神祖不許曰小川父子與

三成最親罪當死然以直盛之戰功貸死仍使直盛拘之忠家

日記德川記關原合戰誌石卯餘史松榮紀事並曰小川土

佐守與脇阪父子朽木河內守同謁見十六日與諸將攻佐

和山城據關原記大全神祖責其罪不許謁見安得在攻城

之列乎諸書誤矣赤坐久兵衛亦與三將歸降然以罪重見

放在下文一柳家譜曰土佐守領豫州之地六萬石至是減

四萬石給豐後之地二萬石創業記家忠日記六年末書曰

關原之戰小川祐忠雖歸正至今不賜采邑時人皆謂祐忠

棄弱附彊見利忘義故不錄其功據之則家譜之說頗難信

也慶長一統記曰相傳祐忠多反覆及晚神祖移陣于大谷

至關原凡七次人皆惡之附以備致

吉隆藤川之壘諸將皆營其側近井伊直政本多忠勝進陣

于今洲德川記作伊益蓋以音相近時天大雨諸營不能爨

神祖使監使馳告諸軍曰淘米候其浸潤然後食之不宜生

食舉軍皆感神祖用心周摯關原記大全關原合戰誌石卯餘史

臣按宮腰秀興曰一書記關原之戰曰大垣赤阪兩軍相

持二旬而終不交戰者東軍待神祖之至西軍待輝元之

來而吉川廣家通款關東使輝元不出師秀家三成不知

其謀徒曠時日至九月中旬三成覺輝元不出勸秀家戰

于關原余謂不然三成縱料輝元不出而攻大津田邊二

城其兵不下五六萬宜待其至而妄勸秀家出戰秀家亦

不能堅守前議而輕信其說此其所以取敗也一書又曰

關原之敗全在秀秋秀元之懷貳歸款是則然矣然神祖

謀略天下無出其右者待其至而急欲戰皆失策也又曰

三成貽書田中吉政使為內應。吉政上其書。神祖曰：可乘此機以給敵，宜佯諾。吉政不敢奉命。神祖曰：既上其書，何嫌之有？吉政輒在神祖之前作書報之。既而敵將議軍事，島津義弘言於三成曰：內府屯岡山，吾今夜密遣親兵，放火陣營，乘其擾亂，縱擊之，蔑不勝矣。三成拒之曰：此危道也。田中兵部大輔有內應之約，明日之戰，取勝必矣。義弘爭之不得。余又謂不然，關東諸將屯赤阪，既逾浹辰，嘗聞秀家三成多方計畫，不於此時誘致吉政，而必欲待神祖之至乎？且吉政非大藩彊宗，縱為內應，無益於事。三成不可恃以為援，而拒義弘之謀略也。臣謂庚子之亂，記者不

一或有傳聞之繆，或有臆度之說，是非混淆，真偽雜糅，秀與所撰，參覈異同，折衷駢駁，其言鑿鑿可據，故著于此。

岐阜中納言秀信幽于上加納。神祖以其為信長之嫡孫，不

忍殺之，放于高野山。松榮紀事，本書不書秀信幽于何所，按

納見上文，今據此書之。○諸書並云秀信入高野山後卒，而不書在何所，先臣佐野鄉成曰：十年五月八日卒于高野山，

蓋有所據也。釋織田秀雄之罪而放之。關原合戰誌，據織田家譜，

是日昧爽，津輕為信、水野勝成、西尾光教、松平康長等相議，出曾根壘，攻島津惟新樂田砦。敵出關原，壘壁皆空。諸將直進圍大垣城，敵出街巷拒之。光教進自東方向正門，敵闔郭門不出。水野勝成其弟市正攻破郭門，光教勝成之兵進攻

第三城。城兵悉力拒鬪。勝成揮槍殺敵。從士及光教之兵苦

戰獲級。關原記大全關原記水野勝成事記為信康長亦向正門。門闔不得入。

康長謂銃手隊長曰。鳥銃非特殪敵。亦破城之利器也。宜以

此摧破雉堞。士卒爭以鳥銃擊碎睥睨。遂得入第三城。敵據

第二城。堅拒之。勝成為信光教之兵。勦力攻擊。遂破第三城。

縱火焚街市。報捷關原。神祖褒其功。四將相議。關原戰勝。則

城陷無日矣。今急攻之。則多損士卒。乃引兵退。緩攻之。○據勝成

事記勝成叔兵林村佛寺其夜敵將相良長每。秋月種長。高橋元種。遺書

勝成。康長曰。得蒙寬宥。則當設計誘殺福原以下將帥。以顯

歸順之誠。勝成康長報之本營。神祖許之。二人密報城中。使

圖之。相良長每請曰。計成則開門。揮麾以示敵將之首。二將

須進旗。一二旒於城中。建以止戰鬪。勝成康長遂定其約。家忠

日記關原記大全關原合戰誌石卯餘史松榮紀事十六日。神祖出藤川之營。陣于佐

和山。南野竝東山。家忠日記德川記關原記大全名中村一榮。橫田宗治。至

大垣。與諸將攻城。豐臣秀秋。井伊直政。田中吉政。黑田長政。

藤堂高虎。石川左衛門佐等。分為二隊。進自磨針嶺。鳥居本。

攻佐和山城。神祖移于正法寺山。正法關原記大全作正寶國音轉訛創業記作正覺

誤今據江州地名訂之池田輝政。德永法印。壽昌。橫井伊織。父子三人

屯多藝。出于牧田口。追擊長束正家。安國寺惠瓊。石卯餘史曰金森法

印市橋下總守橫井伊織追擊惠瓊長曾我部盛親敗之今從關原記大全惠瓊之宰。島十郎左

衛門厲眾欲戰。眾皆烏合。一時潰走。正家之兵。松田金七多

力健鬪。以鐵搭拘取我兵七八人。刺殺之。遂戰死。惠瓊正家

皆敗走。關原記大全。關原合戰誌。石卯餘史。壽昌伊織父子獲級。備神祖之覽

於磨針嶺。石卯餘史曰。獲一百四十級。關原記大全不書數。今從之。神祖特褒橫井作左

衛門之戰功。伊藤彥兵衛聞黨與悉敗。棄今村寨出走。關原記大

全。關原合戰誌。○慶長軍記曰。神祖賞橫井伊織孫右衛門。作左衛門三人之功。後為尾州義直卿之臣。福島正

賴寡兵守長島城。神祖使山岡道阿彌援之。道阿彌以為關

原敗兵必來奔。率舟師至鹿取里南大鳥居。果遇長束正家

狼狽而還。道阿彌上陸邀擊。大敗之。斬百餘級。慶元記作二千。今從家

忠日記。德川記。關原記大。全。關原合戰誌。石卯餘史。石田三成之父隱岐守。兄木工頭

正澄。其子右近。三成之子隼人正。妻父字多下野守。關原記大全曰。

舊尾藤氏。後更今氏。其子宗二郎。字多河內守。關原合戰誌曰。來自尾

藤善四郎等。據佐和山牙城。山田上野守。篝尾。關原合戰誌。石卯餘史作

懸尾。國音相近。今從。關原記大全。河瀨織部守北丸。關原合戰誌曰。養壽院

守中丸。秀秋直政與諸將攻城。關原記大全。關原合戰誌。石卯餘史。城兵聞關

原之戰。三成敗走。多逸去。殘兵堅守不下。○家忠日記。松榮

可。百騎。按城兵分守諸方。大阪援兵亦在城中。疑不止百騎。故不舉其數。秀秋前鋒進攻正門。城

兵連放銃矢拒之。秀秋之兵死傷頗多。關原記大全。石川左衛門

佐。稻葉正成。鎌田五郎兵衛。谷澤茂左衛門等奮戰。關原合戰誌。石

卯餘史。本書有松野主馬。據關原記大全。主馬自引兵下松尾山。不復出戰。見上文。故不取。先是毛利輝

元遣大阪弓銃隊長長谷川右兵衛赤松則房援之。右兵衛
 射箭書於秀秋之陣。欲為內應。隱岐守覺之。將殺之。右兵衛
 逃自水竇。奔秀秋之陣。篝尾守將山田上野馳使牙城乞援。
 隱岐守使赤松則房援之。其夜上野出奔。故則房引兵還。十
 七日。井伊直政繞出城後水道。攻城破之。關原記大全直政
 作田中吉政今從
家忠日記關原合戰誌
 石卯餘史松榮紀事縱火焚樓櫓。城兵恒擾不得拒。隱岐
 守及正澄遣使直政之陣。請自殺以代城兵之死。直政告之
 本營。神祖許之。隱岐守及正澄右近下野守等皆自殺。創業
 忠日記德川記關原記大
 全關原合戰誌石卯餘史三成之宰土田桃雲殺三成之妻。
 設火藥。悉燒隱岐守以下屍。然後自屠燔死。石卯餘史曰集
 人正亦自殺關

原合戰誌曰。年人正年十三。出城遁至高野山。寺僧捕之。送
 京師處斬。未知孰是。又按餘史關原軍記並曰。下野守子宗
 二郎與尾藤善四郎出關。獲首級二人。交臂赴火死。合戰福
 誌曰。二人出關。潰圍遁去。不知所之。二說不同。附以備攷。
 島正則陣于愛智川上觀戰。無何城陷。故不進兵。神祖使石
 川康通內藤信正西鄉正員取城。秀秋直政引兵還。家忠日
 記關原
合戰誌石卯餘史
 慶元記松榮紀事分秀秋及黑田長政之兵戍之。關原記
 大全神
 祖移陣于永原。關原合戰誌關原軍記作平田山誤
 今從創業記考異及關原記大全名田中
 吉政曰。佐和山城陷。賊魁三成不在城中。卿諳江州地理。宜
 至江北蒐羅逮捕之。吉政奉命圍膽吹山麓。遍索之。家忠日
 記關原
記大全關原合戰誌
 石卯餘史松榮紀事加藤嘉明出從東征。使其弟內記忠明
 及其臣堀部主膳黑田九兵衛。佃次郎兵衛等守松崎城。諸

作真崎今從初敵將在大阪。會議軍事。石田三成謂毛利輝

元曰。卿大藩也。雖昔時六分一殿無以過也。按將軍足利

陸奧守氏清播磨守滿幸等封十一州時人謂之六分一殿輝元亦領十州故三成云然鄰國諸將無與

為敵者。宜遣兵四五千於伊豫。以徇加藤左馬助。藤堂佐渡

守管内之地。輝元曰。我兵在大阪四萬餘。分遣四國。易如反

掌。然加藤藤堂皆小藩。留守之兵不能跳梁侵軼明矣。儻黑

田如水。加藤主計頭。黨于內府。舉兵抗我。則鎮西諸將必被

其患。其勢不得不以周防長門之兵救之。見兵雖多。分遣四

國九州。殆不可也。三成曰。不然。縱如水主計頭。雖屬關東。而

不能棄大阪之質。不過為免內府之責。據城自守耳。當此時。

分遣見兵。與鄰國諸將擊之。中津熊本二城不可輒克。逾旬

彌月。師必老矣。不如擊其易勝。以壯兵威。此策之上者也。諸

將皆善其謀。關原記輝元使宍戶善左衛門。備前曾根兵庫

村上掃部。野島內匠等。將兵三千五百。關原合戰誌作二千

舟至伊豫。攻松崎城。土人平岡孫右衛門。其弟善兵衛。叛應

之。為鄉導。距城三里。是日泊滿浦。諸書滿作三津國音相通今從關原記大全善

左衛門謀曰。城中多勇士。攻之未易猝拔。今以公命制之。得

之不難。且觀其虛實。乃遣使曰。吾輩銜秀賴公之命。將兵來

此。左馬助殿從東征。願借城以屯吾兵。忠明勇而有謀。給之

曰。左馬助雖不在。而處守之臣。敢不重公命哉。宜出城避去。

然士人妻子皆在城中。明日當移之城外。灑掃整頓。然後授城。因以井上加之助為使。遣于滿浦。亦偵敵之虛實。其夜忠明率銳兵五百。急襲滿浦。加之助還遇諸塗。報曰。敵兵不甚多。隊將營於漁家。士卒陣于海濱。部伍不整。可擊而走之也。忠明喜。初更潛軍至滿浦。東西縱火擊之。敵陣大擾。善左衛門挺身出鬪。加之助戰死。其餘雖頗有死傷。而忠明縱橫奮擊破之。斬敵將曾根兵庫。村上掃部。野島内匠等。善左衛門循山麓而走。黎明忠明收兵還城。關原合戰誌。石卯餘史。叙事有異同。今從關原記大全。十八日。神祖陣于八幡山。關原記大全。關原合戰誌曰。是日神祖發平田山。福島正則。藤堂高虎。池田輝政。為前軍。黑田長政。細川忠興。京極高知。為二軍。淺野幸長。堀尾忠氏。寺澤廣高。為三軍。井伊直政。本

多忠勝繼之。神祖為後拒。隊伍嚴整。據大全載。是日賜正則長政二人書。則非是日之事。蓋佐和山城陷。移陣永原時事也。故今闕疑不書。大垣羅城守將秋月種長。相良長每。高橋元種。相

謀。遣使誘致福原直孝。垣見家純。熊谷直陳。木村宗左衛門。以議軍事。直孝覺變不來。宗左衛門亦疑之。遣其子傳藏。止家純直陳。二人既往第二城。種長長每元種伏兵擊殺直陳。父子家純。及從者可二十人。宗左衛門父子聞變。將入備中丸。三將遣兵急追之。父子力戰而死。慶長記。德川記。慶長一被誘殺。關原合戰誌曰。某氏家傳。宗左衛門父子亦被誘殺。於二丸。然父子力戰而死。諸書有明證。雖家傳不可盡信。其說是也。今從關原記大全合戰誌。長每使其宰相良兵部。揭五人之首。開門示之。揮麾如約。水野勝成遣其兵鈴木與八郎持旗入城。松

平康長中村一學之兵。憤其不會關原之戰。爭放銃矢攻城。

三將責其違約。不聽攻之。愈急。勝成怒曰。勢已至是。不可使

人先我。直進攻城。康長諭士卒止戰。一學之兵亦退。事遂平。

勝成康長與三將議。進圍牙城。直孝堅守拒之。我兵頗有死

傷。關原記大全曰。丹波守一學之兵。爭功欲入城。城兵闔鐵

門。嚴拒之。故引兵還。今從家忠日記。水野勝成事記。關原

合戰誌。石細川玄旨固守田邊城。與小野木公鄉等相持六

十日。敵將多歸心關東者。或放銃不用鉛彈。故緩其事。關原

全玄旨決意必死。密遣使京師。獻家世所傳二十一代集及

源氏物語於禁廷。副以和歌一首。關原合戰誌。石卯餘史。慶

記大全曰。智仁親王以大石勘介為使。遣田邊城使諭玄旨

獻家傳古今集。源氏物語于禁中。玄旨奉命副以二十一代

集。付使者其餘所秘歌書藏于匣中。副後陽成天皇憂玄旨

和歌一章。贈烏丸光廣卿。附以備致。敗死。則歌道廢絕。詔德善院玄以使修和議。玄以使前田主

膳正茂勝導。敕使參議藤原實條於田邊城。敕諭再三。關原

全曰。以富小路中院二人為敕使。關原合戰誌。石卯餘史。松

榮紀事並云。三條大納言。今從之。據公卿補任實條。此時為

參議。諸書據後年所進官書之耳。茂勝玄以養子。合戰誌作

宗利。今從細川家傳錄。○大全合戰誌。餘史曰。八月三日。獻

歌書。合戰誌。餘史曰。九月。是日。玄旨不得已奉敕。出城入龜

二日。敕使至。附以備致。山城。家忠日記。關原合戰誌。石卯餘史。慶元記。松榮紀事。皆

云。入高野山。而不係日。關原記大全曰。九月十二日。玄

吾必得重賞。林藏主勸自殺。行長曰：我奉耶蘇宗，其法不得

自殺。林藏主捕之。至巖手城，告竹中重門。重門護送至八幡

山營獻之。神祖賜黃金十枚於林藏主，賞之。使村越直吉幽

行長。關原記大全及關原軍記云：賜黃金百兩。石卯餘史云：黃金百枚，蓋百兩之訛。今從奧州軍記、德川記、關原合

戰誌、慶元記、松榮紀事。關原戰敗。毛利秀元引兵下南宮山，歷磨針嶺。

是日至佐和山，過本營之西，有兵一騎，馳自本營而來。秀元

之宰天野六郎左衛門曰：此內府之使者也。聞其語，可卜宗

社之安否。既而使者至，傳神祖慰勞之語。一軍皆悅。使者即

永井直勝也。關原記大全係十五日關原戰敗之後，今從毛利家記、松榮紀事。直勝問曰：福

原越後亦在此乎？秀元曰：先我而去。直勝歸告狀神祖。○松榮紀

事本書曰：秀元率敗兵過神祖營前云云。神祖縱之使去。按

秀元按兵觀望，未嘗接戰，不得謂之敗兵。廣家既納款，神祖

亮知其情，非故縱之也。故不取。安國寺惠瓊潛出膽吹山，匿于秀元之營。至

是留書秀元亡去。其略曰：野衲罹厄運，將自殺。賴君救護得

有今日。今過內府營前，莫之誰何。意足下亦通款內府乎？若

然則野衲在陣中，必累足下。故亡去。秀元使人追之，竟不及。

毛利家記曰：惠瓊在膽吹山，以僧菊首座為使，請從秀元。秀元不忍捨之，匿之陣中。根來山伏普門院長于烏銃。秀元名

隸麾下，比至八幡山，普門院勸惠瓊使逸去。惠瓊請秀元以普門院為先導，駕舟赴北近江，間行至鞍馬山。據此則秀元

縱之使去也。留書蓋在此時。二福島正則、黑田長政欲遏秀

元。歷間道出秀元之先，構假館以饗之。欲待吉川廣家、宍戶

備前守之至，相與勸秀元留滯。其實欲以為質也。秀元奮力

邁人佯為被酒。終正則之臂曰。近日當會于大阪。奮袂而去。

二人終不能留之。毛利家記作長政一人曰。長政構館于膳所湖水之邊。出接秀元。秀元扼長政之右手。疼痛累日。未知孰是。今從關原記大全。十九日。神祖陣于草津驛。後陽成帝敕

遣使賀平克賊。神祖拜謝曰。姦臣欺罔秀賴幼弱。妄興兵革。

擾亂天下。而諸將厲戰。誅夷群兇。諸國殘黨。捲旗來降。四海

屬昇平。可指日而定矣。家忠日記。關原合戰誌。石卯餘史。慶元記。松榮紀事。神祖答勅之言。據關

原記其餘公卿僧徒絡繹來賀。神祖使池田輝政。福島正則。

淺野幸長。先往京師。警衛禁闕。起居豐臣秀吉夫人高臺院。

三將連名榜通衢。禁盜賊寇鈔。關原記大全。有黑田長政。為四人。家忠日記曰。關原之戰。

雖諸將皆有功。而正則輝政幸長。其功挺衆。故命之。京師商

德川記。關原合戰誌。松榮紀事。亦書此三人。今從之。

人中島清延。後藤少三郎光次。龜屋永仁。奉榜通告京師。松榮

紀先是神祖以山本新左衛門大久保市十郎為使。關原合

事大久保助左衛門一。告關原戰期於世子。連雨水漲。不得渡

人。今從關原記大全。木曾川留滯三日。前二日。至信州妻籠。告之。關原合戰誌云。是月十七日至

妻籠。今世子聞之。倍道兼行。然不能及期。神祖不懌。是日。世

子至草津。謁本營。神祖稱疾不出見。世子退次傳舍。家忠日

十三日。關原合戰誌係二十一日。石卯餘史係神原康政。大

是日。而云謁見神祖。皆誤。今從關原記大全。久保忠鄰。本多正信。酒井宮内大輔忠勝。本多忠政等。皆不

得晉謁。井伊直政傳命諸將。使退就舍。且厲聲曰。世子逗撓。

不會戰期。諸君亦得無罪乎。諸將皆憚神祖之威權。無語而

退獨酒井忠利揣直政之意。以為忠吉其女婿也。聞關原之戰。新有武功。故舉世子之濡滯。以彰忠吉之功勞。乃謂直政曰。世子後于戰期。以攻上田城故也。不必觸內府公之怒。而子獨揚言以抑之。其意何如。直政曰。吾非有他。唯恐天下人籍為口實耳。忠利曰。縱世子有過。而內府公蓄怒。子為寵臣。宜調停彌縫。以成謁見之美。不知出此。反為譏議。若又抗言。則吾志決矣。促膝請責。意在交刃而死。本多康重。牧野康成。高力忠房等和解之。時人皆謂兵部少輔威權烜赫。人無敢支吾者。備後守今日舌戰。勝於往時戰功多矣。關原記大全。本書曰。忠利。駿河持舟。信州九子。尾州蟹江之戰。功世所共知。故人稱之。神祖世子亦器重之。累進為河越城主。自食邑三千石。增至

三萬七千石。本多正純白神祖曰。逗撓失期。非世子之過。而全在

臣父佐渡守之所為。願罰佐渡守。以彰世子之無過。神祖意

釋。關原合戰誌。石卯餘史。竝曰。神原康政入見神祖。上諫。神祖納之。據關原記大全。扈從世子諸將。皆不許謁見。康政

何由得諫。鷲峰文集。神原康政碑。亦無其事。今從大全及本多系圖附錄。二十日。神祖至大津驛。

留此數日。關原合戰誌曰。二十一日。發大津。今從家忠日記。關原記大全。松榮紀事。是日。世子謁

見神祖。發大津赴伏見。家忠日記係。二十三日。注于上文。關原合戰誌曰。二十五日。謁見伏見城。

今從創業記考異。及關原記大全。神祖使奧平信昌掌京師政令。加藤喜左

衛門正次。板倉勝重大久。保長安從之。德善院玄以之。吏松

田某。小池某。隸焉。信昌至明年春。在京師。關原合戰誌。石卯

關原記大全。以下此事及遣正則輝政。幸長警衛京師。竝係十七日。神祖在永原時下。今從家忠日記。本願寺光

壽來謁神祖面許創建一寺。關原記大全光壽廢興以葦浦

觀音寺。小野總左衛門為大津町奉行代管。通商賈。課農桑。

觀音寺雖攻大津城而被驅逐。非其意也。故神祖用之。關原

全關原合戰誌石卯餘史。本書曰觀音寺天台宗僧總左衛門大津市人。號十四屋。松崎城兵黑田九

兵衛。佃次郎兵衛。出城挑戰。穴戶善左衛門據江原古壘不

出。加藤忠明登亂山。張陣相對。善左衛門出兵取禾。忠明擊

却之。敵兵數百入。久米如來寺據之。九兵衛次郎兵衛急攻

之。九兵衛中鉛死。其餘多死者。忠明收兵去。是夜善左衛門

經江原山後至滿浦。陣于湊山。忠明向江原山。敵兵無一人

在者。進至湊山。善左衛門聞關原之敗。狼狽還安藝。家忠日記德川

記關原記大全關原合戰誌石卯餘史。○大全曰神祖神祖聞忠明之謀略大稱賞之。明年忠明病死。神祖甚惜之。神祖

假設關於日岡嶺。每日輪近藤秀用。伊奈圖書。加藤源太郎

三人。置吏卒。閱往來。福島正則奉命赴京師。圖書番直之日。

正則以其臣佐久間佐左衛門為使。取旨大津本營。佐左衛

門騎而過關。吏卒尤之。佐左衛門曰。吾奉君命。使于本營。何

故下馬。吏卒爭起。以棒棒股。佐左衛門下馬過關。抑怒復命。

就正則之宰福島丹波披訴曰。臣面受折辱。願賜告。臣有以

報之。正則褒其為公忘私曰。汝亟自殺。不過三日。吾必斬圖

書之首。以報汝仇。佐左衛門喜而自殺。正則遣使齎其首。送

井伊直政之營。直政大驚。告狀本營。神祖召圖書於大津而

訊鞫之。圖書素所不知也。直政奉旨報正則曰：關吏辱使者，非圖書之所為，須誅關吏一二人以謝其罪。正則大怒曰：凡士卒有過，皆隊主之罪也。今誘之，圖書所不知，而輕斷其罪，殆非所望也。且一言以許佐左衛門，不可中輟。輟則部下士卒以我為食言，則自今不用吾命，而失馭下之道矣。誓必斷髮遁世，以弔死者。言甚暴戾，勢將不測。直政白神祖曰：圖書不死，則事必不平。請賜死。神祖不聽。直政固諫曰：閣下不賜圖書死，則正則必舉兵戕之，是反也。然則不可不討反者。今雖大捷，輝元在大阪城，島津立花猶未歸款。其餘鎮西中國之賊徒，逃竄山谷者，不可勝計。乘變而起，則禍亂何由而弭。

願枉從臣言。神祖不得已從之。直政馳至圖書之營，諭旨。圖書悅曰：此臣報恩之日也。竟自殺。年二十八。時人莫不惜之。

直政送其首於正則之營。正則大喜謝之。事遂平。關原記大全○關原

合戰誌佐久間佐左衛門作小島介之進石卯餘史無使者名二書並曰正則奉命赴京師先池田輝政而發遣介之進於輝政之營告之介之進過關脚誤觸關吏之棒關吏怒以棒棒脛介之進抑怒復命正則使之自殺齋其首送圖書所圖書大驚斬番直之吏六人首盛函榜其姓名送正則之營正則不受曰吾使者騎兵也所送首步卒也吾不能以騎兵易步卒遂還之其意在必得圖書之首直政諫曰云云大全曰直政言于神祖曰正則矜功驕恣今殺圖書則似威武不振請臣隨宜處分神祖不聽終使圖書自殺二書所記使者之名不同而事實亦有小異合戰誌餘史所記神祖欲活圖書而直政固諫使之自殺事體固當然今參考三書擇其可者從之

臣按征西諸將福島正則其功最大然其剛愎自用恃功

驕恣亦甚矣。關吏辱其使者。固非隊主之罪。伊奈圖書不幸遭其變。斬關吏六人首。以償一士之死。不亦可已乎。關原合戰誌。石卯餘史所書。六人姓名。未必杜撰爲之。但神祖召圖書訊鞫之。大全之說爲長矣。圖書斬關吏。或在此後。而正則必欲甘心圖書。故以騎士步卒之說逼之。必不得已。則圖書之家。亦豈無騎士可以匹敵者乎。正則舍之不論。必得圖書之首。而後自慊。豈非狼戾彊暴之甚哉。當此時。毛利輝元勢日窮蹙。正則之去就。雖非韓信爲漢則漢勝。爲楚則楚勝之勢。而激李懷光奉天之變。將在呼吸之間。井伊直政謀慮深遠。犯顏彊諫。而神祖愛士。不忍發言。圖書感激。甘爲之死。君臣之際。可謂兩得矣。相傳台廟深惡此事。元和中。奪正則之封。而處流。雖由殘忍貪虐。罪惡貫盈。而其原起于此云。

先是石田三成逃自膽吹山。出草野谷。歷大谷山。至鳥上山。從者三人。三成謂之曰。吾欲伺間抵大阪。往薩摩。與島津兵庫頭謀。再舉大軍。汝曹須自此辭去。以待時至。三人者不忍棄去。三成強之曰。汝曹累吾。不去則將自殺。三人不得已。涕泣而去。三成崎嶇間關。拾遺穗充餐。經四日。患泄。計無所出。古橋村有舊所識村民。與次郎大夫。就求舍已。與次郎大夫與妻謀。匿之。已舍。悉力供給。人或知之。謂與次郎大夫曰。聞

子匿治部少輔。而今田中兵部大輔在井口。搜索不遺餘力。事發覺。必得罪矣。與次郎大夫固爭無之。三成側聽其言。謂與次郎大夫曰。吾運盡命窮。無地容身。汝宜自首。與次郎大夫流涕曰。豈敢至此。君宜出走。三成曰。吾病劇。不能跬步進。道事露見。執恐併累汝。宜亟告之。與次郎大夫不得已。至井口告之。田中吉政大喜。遣其臣野村傳左衛門。澤田莊左衛門捕之。至井口之營。關原合戰誌石卯餘史並曰。三成逃至江北草野谷。著襤褸。戴破笠。腰鎌。為樵夫。晝伏宵行。將奔大阪。道路梗塞。竟不能達。患泄卧草間。有人告之。田中吉政。吉政遣田中傳左衛門捕之。三成給曰。吾樵夫也。傳左衛門識其面。即繫之。至吉政之營。家忠日記。松榮紀事。作澤田莊左衛門一人。今從關原記。大全。大全又舉一說。作野村傳左衛門一人。曰。據此說。則三成從與次郎大夫之言。出走被捕也。附以備攷。吉政出迎之。

初三成在大阪。威權甚重。吉政敬事之。故温言慰勞。三成稱呼不異平日。傲然謂之曰。吾蒙太閤之深恩。欲報之於嗣君。故與秀家景勝輝元定計。舉此大事。而一戰失利。竟為累囚。命之既窮。無所復憾。願亟賜自盡。子之惠也。因探懷中。出短刀曰。切刃貞宗名刀。太閤所賜也。諸書作切刃兼真。未知孰是。今從關原記。大全。不善供給之。關原記。大全。關原合戰誌。石卯餘史。長束正家自南宮山奔伊勢。為山岡道阿彌所敗。還水口。為城守計。從兵逃亡。無與可守。神祖使池田長吉。龜井茲矩。往水口圖之。二人遣使城中曰。足下必欲城守。則內府命將拔城。使無噍類。宜避城謝罪。正家